

# وسام من الرئيس

مسرحية كوميدية

السيد حافظ



٦٠ شارع القصر العيسى - امام  
روفايوسف (١١٤٥٩) القاهرة  
ت ٣٥٥٤٥٢٩ فاكس ٣٥٤٧٥٦٦



جميع الحقوق محفوظة للناشر  
العربي للنشر والتوزيع  
٦٠ شارع القصر العيني (١١٤٥١) - القاهرة  
ت : ٢٥٥٤٥٢٩ فاكس : ٢٥٤٧٥٦٦

## الطبعة الأولى

١٩٩٧

وسام من الرئيس

المؤلف : أ / السيد حافظ

عدد الصفحات : ( ٧٥ ) صفحة

رسام الغلاف : محمد عمر



## المشهد الأول

( يفتح الستار على عنبر في مستشفى عسكري .. الغرفة غير منضبطة بالمرّة .. مع أنها نظيفة إلا أن كل شيء إما مكسور أو باهت اللون والجدران متسخة )  
( شخص معتصم بالممر وأمامه أشياءه الخاصة ) .  
( ضوءا في كل مكان في المسرح .. في الممر المؤدى لحجرة العنبر قد وضع سرير بالمقلوب وقد وضعت كراسي كأننا في حالة معركة بعض الممرضين والممرضات )

سنيه : بقولك ليّه أنا صبرى نفذ يا فاضل .. وروحي بقت في مناخيري .  
فاضل : ( من الداخل ) أنت أصلا ما عندكيش مناخير ومالكيش روح دا حتى عزرائيل سايبك في الدنيا كده لأنه خايف يوسخ إيدته منك .  
سنيه : أه يا قليل الأدب .. يا ضايح .. يا ضايح .. يالمامة الحوارى يا فلاح .  
فاضل : ( من الداخل ) ليوة باني باني على حقيقتك أنا مش طالع من هنا وج فضل معتصم لحد مايجي مدير المستشفى وقائد قوات التحالف شوارسكوف .  
سنيه : أنا برتبة شاويش وانت عسكري يافاضل أسمع الكلام يافاضل احسن لك .  
فاضل : أه يا أمه هو أنا سايب الشاويش محروس هناك في الجبهة وهو بعثك هنا ليّه أنا عايز الدواء بتاعى ؟ .  
سنيه : الدواء أمه اطفحه .. اطلع واطفحه وخده .  
فاضل : ازاي اعلق الجلو جوز في ليدى .. وازاي ادى نفسى ابرة .  
سنيه : اتصرف .. العسكري لازم يتصرف .  
فاضل : يا سلام .. اشمعنى العسكري يتصرف والشاويش ما يتصرفش .. اشمعنى يعنى .. أنا عايز المتحدث الرسمي العقيد الربيعان يجي هنا .  
عمر : ( تعرج قوى البنيان ) بقولك ليّه يا جدع انت اطلع من عندك والا ح اكسر الباب عليك .. اللي بيكملك الصول عمر .  
فاضل : أنا مش طالع الا لما يجي مدير المستشفى والا بيريدي دي كويار .



عمر : يقولك ايه مش كفاية قرفك اللي بتعمله كل يوم على الأرض ..  
فاضل : قرفى .. انت لازم تودينى الحمام كل شوية .. بتعمل ايه ولا حاجة لا بتودينى ولا بتساعدنى وتسبينى اصرخ واقول الحقونى .. لحد ما اعملها على نفسى .

عمر : اطلع وج اوديك الحمام دلوقت .. اطلع يا غرفة ١٣ .  
فاضل : يا سلام .. دلوقت .. وكان ساعة والا ساعتين حتروح فين .. اعملها على الأرض .. تضربونى .

عمر : ما هو انا مش فاضى للقرف دا كل شوية .  
فاضل : ما هو انا متصاب بقبيله التاز المسيل للبول ومتصاب فى دراعى ورجلى .. انا عايز مدير المستشفى .

عزى : ( يدخل مدير المستشفى ) ايه فيه ايه .. ايه اللي عمل الاوضه دى كده .  
عمر : المسكرى المريض اللي جوه يا فندم .. دا نزيل غرفة ١٣ .  
عزى : مجنون دا ولا ايه .

فاضل : ( من الداخل ) انا مش مجنون .. انا عاقل .. انا المسكرى فاضل بوش غرفة ١٣ .

عزى : عايز ايه يا ولد وليه عامل الدوشه دى .  
فاضل : الدوا بيرموه على الباب ويقولى خده .. اخذ المحلول فى دراعى ازاي .. يقولولى اتصرف وسنيه ام ضب تقولى اتصرف .. اتصرف ازاي .. ادينى عقلك وخد جزمى .

عزى : مخلص ( ينظر الى سنيه ) الكلام دا صحيح يا شاويش سنيه .  
سنيه : اصل يا فندم ساعات .

فاضل : انا عايزها تحط المحلول لنفسها دلوقت قدامى .. الشاويش سنيه وانا اتعلم .

عزى : اسمع يا ولد .  
فاضل : ما تقولش ولد انا بطل .

عزى : ( ينظر الى من حوله ) ( يهمس فى اذن عمر واذن سنيه )  
فاضل : انتم ساكتين ايه .. بتتودودا عليا .



عمر : اسمع يا فاضل يا بطل .  
فاضل : مين اللي بيتكلم .  
عمر : انا عمر .  
فاضل : عمر مين .  
عمر : الصول عمر التمرجي .  
فاضل : حضره الصول عمر .. انا في حلم والا في علم يا ولاد .. مش انت اللي بتقولى يا ولاد ال .. خدوا الاكل وتأخذ اللحم بتاعتنا وتاكلها وتدى كل واحد حته عضمه على باب الأوضة  
عمر : انا يا فاضل برضه .  
فاضل : لا .. يا حضره اللواء المدير .. الناس دى عذبونى وتعبونى وضربونى وأنا طالب مجلس الأمن ~~الامن~~ قولهم على اسمى فزرا حيچقوا انا فاضل بوش .  
عزى : ابوك اسمه بوش .. يا فاضل اتكلم عدل .  
فاضل : ايوه وامى اسمها تاتشر .  
عزى : امك اسمها تاتشر .  
فاضل : وقالولى لك شوال فلوس فى صندوق التتويضات الدوليه .. هاصرفوا الفلوس والا لسه .. ما هو البنك الدولى حييت لى مندوب هنا .  
عزى : طيب اطلع .. اطلع وأنا ح اتفاهم معاك وح اوريها لك ... شيل الموانع اللي حاططها .  
فاضل : دا كلام رجاله .  
عزى : دا امر عسكرى .  
فاضل : امر عسكرى لا .  
عزى : خلاص مش امر عسكرى .. كلام رجاله .  
فاضل : انا طالع ايه بس على ضمانتك .  
( يدخل مجموعة من التمرجيه ويمسكون فى أيديهم ملايات ويستعدون للهجوم عليه )



فاضل : عايزك د وهو بفرغ المكان من الموانع المواند والكراسى ولا يظهر لنا ، تخلقى الشاويش سنهيه ام ضب تحط المحلول فى دراعها علشان نتعلم .. وعاييز الصول عمر يجيب اللحمه السليمه والاكل السليم .. والشاويش عبدالعال يغير ملايات السرير ( عند خروجه يهجمون عليه جميعا ولا نراه وهم يمسكونه بالملايات ويجذبونه للخارج ) .

عزمى : يدور مكتب المسكرى فاضل عبدالسميع ويقدم للمحاكمه المسكره حتى وهو عيان .. لاعلانه المصيان .

فاضل : (من الخارج) إلحقونى يا ناس بالامم المتحده والشرعيه الدوليه انا ابن الشرعيه الدوليه .

( عند خروجه يرتبون الجرحه )

( يدخل شرطى مسرعا وهو يحمل لاسلكى ) (يؤدى التحيه إلى عزمى ) (ويعطيه اللاسلكى) .

عزمى : الو.. أيوه .

المتحدث : اللواء عزمى مدير مستشفى المسكرى .

عزمى : أيوه ياأفندم .

المتحدث : الرئيس جاى بعد ساعه يزور المستشفى .

عزمى : نعم حضرتك بتقول مين .

المتحدث : الرئيس جاى يزور المستشفى ويوزع النياشين والاوسمه ويتصور مع الجنود الابطال .. إستد (يفلق اللاسلكى)

عزمى : (يتحدث فى اللاسلكى) ألو فرقه ابو سريع عايزين تجولنا حالا الرئيس جاى يزور المستشفى .. عايزين فرقه ابو سريع للدويه .

عزمى : فرقة ابو سريع للدويه .. فرقة لبوسريح للجهازه فرقة لبوسريح للبنى ادميين المصريه المستوردين ..

(يدخل المسرح يمثل به مجموعه من عمال البويه والدهان .. كل شيء يتغير فى الديكور .. الزهور فى الاركان .. ورق حائط باجمل الالوان .. جهاز تليفزيون .. تليفون .. إستريو موسيقى ناعمه ممرضات جميلات .. ملانات جديده .. كوفرتيات جديده ..)



رجل أمن : ( يدخل يفتش كل شيء ) ( يتحدث في اللاسلكي ) كله تمام يا فندم .  
 من رجل أمن : ( من الخارج ) فتش كويس يا محمود بجهاز المفرقات .  
 رجل أمن : كله تمام .  
 عمر : ( يدخل يحمل مريض حجرة ١٢ وهو ملفوف في العلايه ويضعه على السرير ) نام ( ينظر للممرضات الجميلات ) المريض دا بتاع الاوضه دى عطيلنا مهدي .  
 فاضل : انا لسه صاحي مانمتش (وهو تحت العلايه) (تضحك الممرضات المستوردات الجميلات الانبيات) .  
 ايه دا .. معقوله .. اصوات جميله فى الغرفه ١٢ .. دا حلم ولا علم مش معقول ؟؟ (الفتيات ينفجران فى الضحك) الله دا صوت الملايكه دا والا ايه ؟ (يزدن فى الضحك) ما هو مش معقول انا بسمع ممرضات المستشفى سنين ام ضب .. الشاويش (يضحكن) دا صوت الحوريات (يضحكن) دى مزيكه .  
 ممرضه : قوم يا فاضل .. فاضل .  
 فاضل : (مازال تحت العلايه) دول عارفين اسمى .  
 ممرضه ١ : قوم بقى .  
 فاضل : الله هو انا مت فى المستشفى ورحلت الجنه ؟  
 ممرضه ٢ : استاذ فاضل قوم (يضحكن) .  
 فاضل : الأستاذ فاضل دا صوت جميل .. اوعى تكونى يتهزى .  
 ممرضه ٣ : إتفضل حضرتك علشان تاخذ الدوا .. يا استاذ فاضل .  
 فاضل : استاذ فاضل مش معقوله (يخلع العلايه ويجرى خارج المسرح من الدهشه عندما يرى الغرفه مختلفه تماما) .  
 الممرضه : إتفضل يا فاضل .  
 فاضل : (يدخل بقدم واحده ثم يخرج مسرعا) مش معقول .  
 الممرضات : يا استاذ فاضل إتفضل .  
 فاضل : غرفه ١٢ .  
 الممرضات : ايوه .



- فاضل : أنا فى الجنة مش كده .
- المرضات : تعالى بقى .. أدخل .
- فاضل : (يدخل الحجره) الله اكبر .. الله اكبر .. حوريات لابسين ابيض فى ابيض .. تلفزيون ملون .. تليفون .. أه ياسلام فى الجنة فيه تليفونات .. تلاجه .. ياسلام كل حاجه بيضا .. نهارتنا ابيض بالصلاة على النبى (تضحكن البنات)أجيك ياابيض .. (يحاول أن يمسهن يقع على الأرض)(يذهبن ليحملنه من السقوط على الأرض) أى أنا فىن؟؟
- مرضه : إنت فى المستشفى .
- فاضل : مستشفى الجنة .. يادى الهنا ؟
- مرضه : إتنا فى مستشفى الجيش .
- فاضل : هو فى الجنة جيش كمان ؟
- مرضه ٣ : ياراجل فضك من السيره دى .
- فاضل : إحنا فىن ؟
- مرضه : فى المجوزه .
- فاضل : هى مين المجوزه .. أمك اكيد .. إحنا فىن ؟
- مرضه ١ : فى القاهرة .
- فاضل : أه ياشقيه القاهرة بتاعتنا والا قاهرة الجنة ؟ (يضحكن المرضات)أحب المكسرات وحلاوة الشام .
- مرضه : يافاضل إنت فى غرفة ١٢ .
- فاضل : مش ممقول غرفه ١٢ نضيفه كده .. (يخرج من الحجره وهو يغفر) .
- المرضات : رايح فىن ؟
- فاضل : اتأكد من اوضتى دى لوضه ١٢ .
- مرضه ٣ : تعالى نام علشان احطلك جلوكوز المحلول فى ذراعك .
- مرضه ٢ : (تدخل بصنيه عليه لحوم مشويه) الأكل يافاضل .
- فاضل : إيه دا واحده حتعطلى الدوا .. والتانيه جاييالى الأكل .
- مرضه ٢ : ح أكلك بايذى .
- مرضه ١ : تحب اوديك الحمام .



فاضل : حثمينى ؟  
ممرضه ١ : انا تحت امرك .  
فاضل : حثمينى ليه ؟  
ممرض ١ : يعنى ايه ؟  
فاضل : إنتى عايزه حثمينى ليه ؟  
ممرضه : علشان تبقى نظيف .  
فاضل : وبعدين .. وبعد الحمام .  
ممرضه ١ : البسك هدومك .  
فاضل : وبعدين ؟  
ممرضه ١ : اجيبك للسريـر .  
فاضل : وبعدين ؟  
ممرضه ٢ : انا أأكلك .  
فاضل : وتروح الحمام انا وإنتى تانى ؟  
ممرضه ٢ : تحت امرك لو عايز تروح الحمام تانى .  
فاضل : وبعدين استحمى واجى اكل واروح الحمام .. إنتى (يشير الممرضه رقم ٣) إنتى تودينى الحمام ؟  
ممرضه ٣ : إحنا عارفين إنك متصاب بقبيله مسيله للبول .  
فاضل : مش انا خفيت من ساعة ماشفتكم .  
ممرضه ٤ : الحمد لله .  
فاضل : (للممرضه رقم ٤) وإنتى كمان حتودينى الحمام ؟  
ممرضه ٤ : تحت امرك .  
فاضل : اكيد انا فى الجنـه .  
الممرضات : إنت فى مصر يااستاذ فاضل .  
فاضل : استاذ فاضل ولروح الحمام وتاكلونى وتدونى الدوا .. انا مش فى مصر اكيد .  
الممرضات : لمال فين ؟  
فاضل : إحنا فى لوضه كام قتلولى ؟ .. يمكن الأوضه غلط ؟



المرضات : إنت فى لوضه ١٣ .  
 فاضل : ١٣ درجه اولى والا ١٣ بشرطه .  
 ممرضه : لا إنت فى لوضتك يالستاذ فاضل .. إنت فى مصر .  
 رجل أمن : (يدخل مسرعا) تفتيش .. تفتيش .. كله تفتيش .  
 فاضل : انا فى مصر اكيد .. ماعملتش حاجه ياعم .  
 رجل أمن : قوم .. إندل .. لو سمحت .  
 فاضل : انا عايز أروح الحمام ؟  
 رجل أمن : إنتفتش الأول (ممسكا جهاز بيديه ويفتش) .  
 فاضل : بتفتش على ايه ياعم والنبي قلى ؟ .. بتتك تاهت .  
 رجل أمن : دى لوضه ١٣ .  
 فاضل : هما إالى دخلوني لوضتك والله ماكنتش اعرف ياعم .. على كل حال انا  
 ماإستعملتش حاجه .. لا الراديو ولا التلفزيون ولا التليفون حتى لما قالوا  
 لى البنات تعالى تروح نوديك الحمام نحميك مريضيتش اتكسفت .. قلت لهم  
 لما ييجى ابوكم عيب .. عيب إنتم صغيرين تحمونى يعنى اه هما طولال كده  
 بس بنات صغيرين .. ما هو البنات كده جسمهم بيكبر فجاء .. لكن انا  
 عارف انهم عيال صغيرين يادوب ١٤ سنه (ينظر له) قصدى ١٣ سنه (ينظر  
 له) قصدى ١٠ سنين (ينظر له) قصدى ٨ سنين .  
 رجل أمن : قوم .. أقعد .. إنزل .. إطلع .. إرفع ايدك نزل ايدك .. شيل البطانيه .  
 فاضل : ما حصلش حاجه والنبي لطمين .. جوشوا ابوكم يابنات عنى فهموه .. انا  
 ح اسيب الاوضه إعمل فيها إالى إنت عايزه وحصل خير مش انا سالتكم  
 يابنات الاوضه دى ١٣ درجه اولى والا ١٣ بشرطه (ينزل من على  
 السرير) (يحرك رجل الأمن الجهاز حول جسد فاضل) شكرا (يخرج)  
 فاضل : (يسير خلفه ويمشى) (للممرضات) ابوكم دا راجل بارد جدا ومتحرر جدا  
 .. سابنى معاكم .. ومشى وقلت له على الحمام مازعلش لطمين انه سايبنى  
 معاكم .. عارفين كنت فاكهه عزرائيل اول ما دخل عليا (تضحكن البنات  
 المرضات) .  
 فاضل : الله اكبر .. الله اكبر .



ممرضة : (ترش كولوئيا عليه) خد خد .  
ممرضة ٢ : (تسرح له شعره) ورينى شعرك كده .  
فاضل : انتم صدقتم ابنى اقدر عليكم كلكم .. انا عيان .  
ممرضة ٣ : اقلع القميص وخد دا (تخرج له قميصا جديدا) .  
فاضل : ابنى عارقه مقاسى .. آه ياشقيه .  
ممرضة ٣ : اخلع من فضلك ؟  
فاضل : قدامهم كده ..  
ممرضة ٣ : ايوه .  
فاضل : هو انا ماقتلكيش .. مش انا متجوز البنت فاطمه .  
ممرضة ٣ : (يضحك) يلا يااستاذ .  
فاضل : بس ذنك على جنبك لوحده من المستشفى وشافك بتعملى معايا  
حتبقى فضيحتك بجلجل والجرايد تكتب اربع فتيات شربات يفتصمين شابا  
فى المستشفى الاولى قالت له اخلع قميصك والتانيه .. (يضحك) .  
الممرضة ٣ : يلا اخلع القميص .  
فاضل : ما هى حتبدا بالقميص وبعدين .  
ممرضة ٢ : عيب يااستاذ كده .. وبعدين .  
فاضل : (للممرضة) مادام ابنى عارقه الليب ما تقولى لهم كليهم .. قوليلهم  
فهميهم .. فاضل عبد السميع مش بتاع كده ولا كده .  
ممرضة ٣ : ح ابدأ ازعل منك من فضلك خلصنا .  
فاضل : واتاريكم جاييين لى ورد وراديو وتلاجه وتليفون وتلفزيون .. وجايين  
لى انتم الاربعه .  
ممرضة ٢ : خد ايس انت بمرفتك (تعطيه بنطلون) .  
فاضل : جاييه لى بنطلون .  
ممرضة ١ : ودى كمان (تعطيه ملابس داخلية) .  
فاضل : وهديم داخلية .. ياشقيه .  
ممرضة ١ : اقلع تحت الملايه .  
(يغطونه بالملايات)



|      |  |
|------|--|
| فاضل | : بس اوعى تهجموا عليا وانا بخير هدومى .. اربعه على واحد يبقى<br>إغتصاب والإغتصاب عقوبته الاعدام .. على كل حال اطمئنكم انا ح اتجوزكم<br>واحد واحد والشرع محلل اربعه .. واحد منكم تتنازل (يغير ملبسه<br>وهن يرتفعون الملايات) والا اقول لكم إعملوا قرعه بينكم وواحد تتنازل<br>والا اقول لكم اطلق فاطمه واخليكم انتم الأربعة (تضحكن الممرضات)<br>(يخرج فاضل بملبسه الانيقه نظيفا .. تفرح به الفتيات)<br>(يدخل الدكتور عزمى ومعه مذيعة التلفزيون صفيه محمود وعامل<br>الكاميرا وبعض المصورين) |
| صفيه | : صباح الخير يا بطل .  |
| فاضل | : يا صبايح الفل .. بتاكلي إيه إنتى يا حلوه .. الست دى بتاكل ايه ؟  |
| عزمى | : دا البطل فاضل عبد السميع ومن جبه لرئيس سمى نفسه فاضل بوش .   |
| فاضل | : الله إنت هنا يا عزمى .. إنت معانا فى الجنه .. مش إنت عزمى .  |
| عزمى | : اللواء دكتور عزمى .  |
| فاضل | : يعنى انا ما بطلش .   |
| عزمى | : لا ما بطلش .   |
| فاضل | : برزمتك يا حلوه إنتى (لصفيه محمود) .  |
| عزمى | : دى مدام صفيه محمود مذيعة التلفزيون المعروفة جايه تتململ معاك<br>حديث سريع .  |
| فاضل | : بالذمه يا صفيه .   |
| عزمى | : مدام صفيه .  |
| فاضل | : عارفك عايز تفهمنى إنها متجوزه ما تكلمش عليها دى انسه انسه مش<br>النسوان لما تتجوز تتخن وتفشكل من قدام ومن ورا وتتكبر .. دى<br>مكبره .. لا .. تبقى انسه .. مش مصدقنى راهنى وتكشف عليها دولوقت .   |
| عزمى | : يا فاضل .. يا فاضل .   |
| فاضل | : بالذمه يا صفيه فى واحد دكتور بيتقولى علق الجلوكون فى ذراعك وخد<br>المحلول وعلق لنفسك يبقى إيه دكتور دا .   |
| صفيه | : لا مش ممكن .. دا مش دكتور دا تور .   |



فاضل : إسمع .  
صفیه : فيه حد يعمل كده يادكتور عزمى .  
عزمى : دا فاضل بيهزر .. مش كده .  
فاضل : فيه شاوليش إسمه سنیه ام ضب تعطى لى الدوا وتقولى خد الحقنه فى العضل آخدها ازاي تيجي إنتي تديني الحقنه ؟  
صفیه : انا مائعرقش .  
فاضل : دى بسيطه انا ح اغمض عيني وإنتي تخمضى عينك .  
عزمى : فاضل دى كوابيس بتجيك ؟  
فاضل : والشاوليش سنیه ام ضب .  
عزمى : ماغندناش حد إسمه سنیه ام ضب شاوليش - عندنا الشاوليش سهيله والشاوليش منى والشاوليش هدى والشاوليش سوزى - (يشير للبنت الأربعة) .  
فاضل : دول مستوردينهم من الجنه - دول جابين يخطبونى - يتجوزنى قصدى اتجوزهم - هاتوا المازون .  
عزمى : (يضحك) دمه خفيف قوى فاضل دا .  
فاضل : شكرا .  
صفیه : انا بصراحه مش قادره أشارك معاكم فى الحوار شوف يابطل يالاستاذ فاضل انا ح اعمل معاك حوار سريع .  
فاضل : وسريع ليه - فى العجله الندامه - والتانى السلامه .  
صفیه : يلا استعد كاميرا .  
فاضل : لاماستمدش ياكاميرا .. هو فيه ايه بالضبط فهمونى ؟  
عزمى : يافاضل .. يلا .. يلا يامدام صفیه .. يالبنى مدام صفیه وراها شغل .  
فاضل : هى مراتك ؟  
عزمى : مين ؟  
فاضل : صفیه .  
عزمى : لا .  
صفیه : مش معقول يافاضل إلی إنت بتقول دا .. دا كلام مش معقول ! (تضحك) .



فاضل : معقول (يقولها) أنا افهمها وهي طائره .. باقولك يامدام صفيه .. وبعدين  
ياصفيه يابنتي وبعدين لما يموت تطلعي وتقولى دا جوزى .

عزى : بطل كلام فارغ يوديك فى داهيه .

فاضل : (يجذب صفيه إلى أحد الجوانب) إنتى سايباه يتحكم فيكى شمال ويمين..  
فين شخصيتك .. يقولك صورى تقولىله لا .

صفيه : فاضل اسمع .. أنا جايه علشانك إنت .

فاضل : علشانى أنا ؟

صفيه : أيوه .

فاضل : والله ؟

صفيه : يافاضل إحنا معاك فى التلفزيون .. قصدى إنت معانا فى التلفزيون  
وحتتكلم قدام الجمهور كله والناس كلها معاك مصر كلها حتشوفك .

فاضل : الناس كلها حتشوفنى ؟

صفيه : أه .

فاضل : دى حقيقى فضيحة .

صفيه : فضيحة ليه ؟

فاضل : واحد وحتيجوز لازم الناس كلها تشوفنا فى التلفزيون .. إنتى ست الستات  
أنا علشانك إنتى اثنوى بالنار .

عزى : (العمال والممرضات) يلايبنات بره .. يلاياجماعة .. يلاوسمحتم بره .

صفيه : (للكاميرا) عزيزى المشاهد ... بطل هذا اللقاء أحد جنودنا الأبطال  
العظام الذين ساهموا فى حرب التحرير وهو الآن سيحصل على أعلى وسام  
من القائد الأعلى للقوات المسلحة وسنجرى معه الحوار .. البطل .. اسمك .

فاضل : (يشعر بالرهبة فيمتنع صوته ويبح صوته) ... أه ... أو .

صفيه : قول اسمك بالكامل ؟

فاضل : أ .....

صفيه : إستوب .

عزى : يافاضل..

فاضل : نعم .



|      |   |
|------|---|
| عزى  | : قول اسمك وخلصنا يابنى ؟   |
| فاضل | : ماتقول اسمك انت ... لشمعننى اسمى انا يعنى ؟   |
| عزى  | : لان الحوار معاك انت بالذات .  |
| فاضل | : بالذات .. انا بالذات .  |
| عزى  | : ايوه .. انت بالذات .. إتفضلنى يامدام صفيه .   |
| صفيه | : علشان انت يافاضل اول جندى رفع العلم واول جندى دخل واول جندى عمل عمليات عسكرية مع المقاومة ورجع صح .                 |
| فاضل | : الله انتى عينك عليا من زمان ياشقية .. أمى دعيتلى بيكى .   |
| صفيه | : يادنسجل .. أهلا بالبطل قدم نفسك .. اسمك ؟   |
| فاضل | : فاضل بوش .  |
| عزى  | : استوب بوش ايه .. انت اسمك فاضل بوش ؟  |
| فاضل | : ما هو انا سميت نفسى كدة .. والاقولك انت عايز اسمى القديم قبل الحرب .. فاضل عبد السميع من عزبه السوالم .             |
| صفيه | : أهلا بالبطل .   |
| فاضل | : (بصافحها ويقبلها) أهلا بيكى .. أهلا .. فين البنات الحلوين اللى كانوا هنا ؟؟   |
| صفيه | : ستوب بنات ايه يافاضل .  |
| فاضل | : البنات اللى جاييهن من الجنة ؟   |
| عزى  | : بنات ايه يابنى فوق .. انت جرى لك ايه ؟  |
| فاضل | : البنات اللى كانوا هنا .. مش شفتهم .. البنات الحلوين مش زى الممرضات التانيين واحده ماسكه عصايا والتانيه مسكه سكينه . |
| عزى  | : خلاص .. خلاص .. بعدين الكلام دا .   |
| فاضل | : والصول عمر .. مايبودنيش الحمام .  |
| عزى  | : بعدين بعدين .. يافاضل .   |
| فاضل | : ما هو مش معقول ياغزى كل ماتكلم تقاطعنى .  |
| عزى  | : خليك مع التلفزيون .. خنشوف دا بعدين .   |
| فاضل | : بعدين امتى ياغزى .. دى مش طريقه انت عايزنى ادورك مكتب والا ايه ؟  |



عزمى : وبعدين .  
فاضل : وبعدين ايه اديكى شايغه يالاستاذة صفيه .. ادى حياتى زى ما انتى شايغه ..  
كل اللى معايا كده .. عقليتهم كده .  
صفيه : اتفضل يالاستاذ فاضل .. انت على الهوا .  
فاضل : اتاعلى الهوا .. ازاي يعنى ؟  
صفيه : على الهوا .  
فاضل : على السرير ماشى .. على الارض ماشى .. على الهوا ازاي مش ممكن اكون على الهوا ؟  
صفيه : ايوه .  
فاضل : ماشى .. يلاعلى الهوا .  
صفيه : يا جماعة تصوير .  
المخرج : (يدخل) مش معقول ياست صفيه مش كده كام مره نقول اكشن .. فيه ايه ؟  
فاضل : (للمخرج) انت مين انت داخل تزغق كده ليه ؟  
المخرج : انا المخرج .  
صفيه : دا مخرجنا البقرى .. المعروف الاستاذ حسام .  
فاضل : ماعرفهوش الاستاذ عصام دا .  
صفيه : حسام .  
فاضل : برضه ماعرفهوش .  
المخرج : انت يابنى اتكلم قدام الكاميرا وخلصنا .. انت على الهوا .. اتفضل .  
فاضل : اتفضل انت .  
المخرج : اكشن .. اتكلم .  
فاضل : انا فاضل عبد السميع انشهير بفاضل بوش .  
المخرج : استوب .. بلاش بوش الشهير دى .. اسمك ويس .. اتفضل يالاستاذ .  
فاضل : انا فاضل عبد السميع بكلم عمدة بلدنا بقوله ياعمده رجع لى التلت  
قراريط بتوعى وانا اشتكيتك للوزير والمحافظ بيعت له جواب . ورجع  
الجواب قالوا غير موجود العنوان .



- المخرج : محافظ ايه ووزير ايه وعمده ايه ؟  
فاضل : ما انت مش واخد بالك لما العمده مارضاش يرجع لى التلت قراريط  
بتوى .. بعت جواب للمحافظ رجع الجواب .. باسم الوزير المحافظ قلت  
على اللى عمله العمده رجع الجواب مفتوح ومكتوب عليه فتح بواسطه  
الرقيب .. وقالولى النوان غير موجود .. هى المحافظه باعوها .. اصل  
مبنى المحافظه كان تبع عمر افندى .. مش عمر افندى طلغ عايش .. طيب  
الوزير المحافظ ساكن قين دلوقت .
- المخرج : جرى ايه يابنى .. انت كل ماتتكلم كلمه تتكلم محاضره السؤال على قد  
الجواب .
- صفيه : يافاضل انت حتقول اسمك واسم القرية واسم العمده وتقول انه راجل  
وطنى ومخلص للبلاد وسهران على مصالح الناس .
- فاضل : ياكذابة .
- صفيه : يتقول ايه ؟
- فاضل : عايزانى اكذب حتروح النار .. انا عمرى ما كذبت من اول ما تولدت .
- صفيه : دا مش كذب .. دا كلام وپس .
- عزى : يافاضل يافاضل اسمع الكلام .
- فاضل : ياغزى ياغزى الكلام دا كذب .
- عزى : اعدل كلامك ياغزى .
- فاضل : اعدل كلامك يالواء .
- المخرج : الراجل دا حيتكلم ازاي ؟؟
- صفيه : استاذ فاضل .
- فاضل : (لصفيه مشيرا للمخرج) الراجل دا بيتكلم ازاي .
- صفيه : استاذ فاضل .
- فاضل : نعم .
- صفيه : احنا عايزين نتكلم معاك وتتكلم معنا ناخد وندى .
- فاضل : ناخد ايه وندى ايه ؟
- صفيه : الكلام .



|        |   |
|--------|---|
| فاضل   | : كلام بس .   |
| صفيه   | : ايوه .  |
| فاضل   | : والعيال بتيجي ازاي بالكلام .. مش احنا حتتجوز على سنه الله ورسوله مكسوفه ليه .                                     |
| المخرج | : مش معقول ابدا ياحضرة اللواء عزمى .  |
| عزمى   | : (بصوت امر عسكري) عسكري مجند فاضل عبد السميع عارف انا مين ؟  |
| فاضل   | : انت مين ياللى انا ماش عارفك انت مين ؟   |
| عزمى   | : انا اللواء عزمى ابو العنين .. الدكتور عزمى .. عارف انا بديك امر عسكري بانك تتكلم عدل مع التلفزيون .               |
| فاضل   | : (يشير إلى صفيه حتى تقترب منه حتى لا يسمع أحد) يقولك ليه ؟ (يجلس على السرير ويغطي نفسه) تعالى هنا احسن انا تعبان . |
| صفيه   | : ايوه (تقترب منه) .  |
| فاضل   | : قربى شويه كمان .  |
| صفيه   | : حاضر (تقترب منه أكثر) (يشم رائحه عطرها) .   |
| فاضل   | : ياسلام كمان شويه (تقترب منه أكثر) (يشم رائحه العطر) يااحلاوه .. كمان شويه .                                       |
| صفيه   | : اهه .   |
| فاضل   | : (هامسا) مش إنتى عايزه تتكلمى معايا .  |
| صفيه   | : ايوه .  |
| فاضل   | : (يشير إلى عزمى) مشى الجدع دا .  |
| صفيه   | : مين المخرج ؟  |
| فاضل   | : لا .. دا هايف مش مهم .. طيب .. جمجاع على الفاضى بيحب عيال بالكلام .   |
| صفيه   | : امال مين اللي يمشى ؟  |
| فاضل   | : اصل انا ما احبش اتكلم قدام اللوات .. بتكسف .  |
| صفيه   | : اللواء الدكتور عزمى قصدك .  |
| فاضل   | : ما احبش اجيب سيرة حد .. ولاسم حد .. بس انا ما احبش لاتكلم قدام  |



#### اللوات .

|      |   |
|------|---|
| صفيه | : بس مش ممكن .  |
| فاضل | : مشيه .. مشيه .  |
| صفيه | : بس .  |
| فاضل | : اتصرفى .. وانا ح اسمع كلامك .   |
| صفيه | : سيادة اللواء عزمى .   |
| عزمى | : أيوه .  |
| صفيه | : ممكن اتكلم مع سيادتك ؟؟   |
| عزمى | : اتفضللى .   |
| صفيه | : (تتحدث مع اللواء عزمى وتشاور ويشاور فى عصبية وينظر إلى فاضل الذى راح يحرك حاجبيه للواء فى شماته وهو يزمجر غاضب) |
| فاضل | : اللى عايزنى يجينى انا ما بروجش لحد .  |
| عزمى | : (لصفيه) انا ح استنى حضرتك بره الاوضه لما تخلصى انا تحت امرك .   |
| صفيه | : متشكره ياسياده اللواء على مجهوداتك .  |
|      | (يخرج اللواء عزمى) .  |
| فاضل | : (ينظر للمصور والكاميرا والمخرج) و انتو حتتعدوا زى قرد قطع ؟   |
| صفيه | : دول المصورين والمخرج لإدول بقى .. دول مش لوات .   |
| فاضل | : اشنعنى هم .. على رأسهم ريشه ؟؟  |
| صفيه | : مش معقول دول اللى حيصورونا فى التلفزيون .   |
| فاضل | : ماشى .. كنا بنقول ليه ياصفيه .  |
| صفيه | : كنا بنقول ان العمده رجل طيب والمحافظ رجل طيب .  |
| فاضل | : مش طيبين .  |
| صفيه | : ماهو معالى الوزير .. لو بعث الشكوى فى القاهره .   |
| فاضل | : هو انا كنت مستنى .. بعث الشكوى للقاهره .. مشاء الله ياست المدين   |
|      | ياقاهره .. بعث الشكوى وبمدين لتيت الشكوى بعد شهر متعلقه على الباب   |
|      | الدار ومكتوب عليها دى شكوتك بلها ولشرب ميتها يابن نفيسه .   |
| صفيه | : نفيسه مين ؟   |



|       |   |
|-------|---|
| فاضل  | : حماكت .   |
| صفيه  | : حمايتى انا .  |
| فاضل  | : ايوه .. ما هى امى ... معناة الكلام دا .. ان الباشا الوزير بعث الشكوى للشكوى منه الذى علق الشكوى على بابى شغتي بلدنا ياست صفيه .                                       |
| صفيه  | : ح اوعذك انتى ح احل مشاكلك بس قولى اللى ح اقولهلك .  |
| فاضل  | : بس .  |
| صفيه  | : انت مش مصدقنى .   |
| فاضل  | : ملعون ايوه اللى ما يصدقكيش .  |
| صفيه  | : ١ : ٢ : ٣ : ٤ : ٥ : ٦ : ٧ : ٨ : ٩ : اكشن .. البطل العزيز فاضل عبد السميع .  |
| فاضل  | : (معا كانه نشيد محفوظ) انا بحب بلدى واحب الناس واحب الناس والمعمده بتاعنا عبد الدايم عبدالدايم يتباس وعلاج البهالهرسيا عندنا بالمجان متوفره .. وكل شئ تمام واخر جمال . |
|       | (يسكت)  |
| صفيه  | : (تكلم) انا المواطن فاضل عبد السميع .  |
| فاضل  | : ضحكت عليكى انتى صفيه محمود .  |
| صفيه  | : فاضل خيلنا نخلص البرنامج .  |
| فاضل  | : تعالى اقندى جنبى شويه هنا .   |
| صفيه  | : فاضل .  |
| فاضل  | : جبه صفنتين .  |
| صفيه  | : حاضر .  |
| فاضل  | : فين امى نتجى وتشوفنى .  |
| فاطمه | : (تصرخ من الخارج) فين جوزى فين فاضل .. انتم عايزين تمنعوني عنه ليه .. هو مات هو جرى له حاجه .. فايقتى لمين ياجملى .  |
|       | صوت من الخارج : ياست مش كده التلفزيون بيصور .   |
|       | (تدخل فاطمة مندفعه على فاضل فى الحجره وهو يضحك مع صفيه)   |
| فاطمه | : عينى ياعنى ياروح امك .  |



فاضل : فاطمة مرأتى سامحيني يا فاطمة .. غلظه ومش يايدينا .. لجوزها ، انتو اخوات وغلظه وتفوت ولاحد يموت .

صفيه : انتى زوجة البطل فاضل .. لهلا وسهلا زوجة البطل .

فاطمة : التنى ايه .. اعملهم ياختى عليا .. قاعده جنب الراجل على السرير وايه دا .. واشتريت له ورد ( بصوت مرتفع ) وايه دا .. تلاجه .. تلفزيون .. تلفيون .

فاضل : فيه ايه يا فاطمه ( بصوت مرتفع ) يا فاطمه مالك - بتزعق ليه الست صفيه حتمللى فى التلفزيون .

فاطمة : والتلفزيون دا على السرير ؟

صفيه : عيب يا ست فاطمه .

رجل امن : ( فاطمه ) انت دخلتى هنا ازاي ؟

فاطمه : دخلت على رجلى .

رجل الامن : الست دخلت هنا ازاي ؟

فاضل : دى مش ست - دى مرأتى .

رجل الامن : ممنوع دخول الستات (يجذب فاضل رجل الامن) .

فاضل : مش انت ابو البنات الحلوين الاربعة - عارف انتك بتكره فاطمه وعائزنى لبناتك - اديها جامد خوفها . فاطمه مايتجيش الا بالعين الحمراء .

فاضل : (ينظر الى صفيه محمود) احنا بنقول ايه .

فاطمة : (لرجل الامن) يعنى ايه ممنوع دخول الستات ؟ امال الست دى مش ست ؟ ( تشير الى صفيه ) ؟

رجل الامن : دى صفيه محمود .

فاطمة : وانا فاطمه عبد اللطيف .

رجل الامن : انا مش بهزر دلوقتى - الستات ممنوع الزيارات ممنوع .

فاطمة : ( تذهب الى صفيه ) بيقولك الستات ممنوع .. هو انت يا اختى مش ست .. ولا انت راجل وإتقلبتى ست .

صفيه : ( لرجل الامن ) عن إبتك انا حا أعمل حديث مع الست فاطمه .

فاطمة : انا فاطمه عبد اللطيف .



فاضل : ابو ركب .  
صفيه : نعم .  
فاضل : اسمها الثلاثي فاطمه عبد اللطيف ابو ركب .  
رجل الأمن : ( بصوت أجش ) ممنوع الزيارات - ممنوع الستات تدخل .  
فاضل : أمي - بقي فاطمه دي ستات - فاطمه التلبانه دي ستات - امال بناتك الأربعة التمرات تسميهم ملايكه - مهليه .  
رجل الأمن : انا ما عنديش بنات .  
فاضل : أمي .. عليا انا .. يا راجل روح شوف لك شغلته غير فاطمه .  
رجل الأمن : ممنوع دخول الستات والزيارات .  
فاضل : دي مش زياره دي فاطمه مراشي .. وبعدين انت متعقد من الستات ليه ؟  
عايز افهم اللي طالع عليك ممنوع الستات ممنوع الستات .. هو انت لاماخذته موجدوع قوي منهم ولا لاماخذته كبرت في السن وما عدلكش فايده وبعدين انا اعرف واحد واحده ست خضته .  
فاضل : اتخض وبعدين عاملوله زار خف - اعملك زار .  
رجل الأمن : مش عايزين يا اخويا هزار . زار وما زارش - ممنوع الستات .  
فاضل : انت مين يلي انا مش عارفك انت مين ؟  
رجل الأمن : اسكت خالص ... يادكتور عزمي يا سعادة اللواء عزمي ( ينادي ) .  
فاضل : التليفون أهه إتكلّم فيه .. يا عزمي .. ألو .. الله دا التليفون فيه حراره ..  
ألو " يتحدث فاضل في التليفون .. " ألو .. يا عزمي . هو انا خايف من عزمي .  
عامل التليفون : ( صوت ) ألو .  
فاضل : انت التليفون .  
عامل التليفون : ( صوت ) ليوه يا لوضه ١٢ عايز حاجه ؟  
فاضل : انت التليفون - تعرفني .  
عامل التليفون : ليوه .. انت فاضل عبد السميع عبد المطيع الشهير بفاضل بوش .  
فاضل : هه .. ها .. عرفني . ييتي الكلام مضبوط قولي يا تليفون .  
عامل التليفون : نعم عايز إيه ؟



فاضل : اشمعنى يعنى جيتنى النهارده فى المستشفى وسايبنى فى البلد مقدم عليك من خمس سنين .. ثم لنا عنوانى على البلد .. يعنى اخذك معايا وانا ماشى للبلد يا تليفون ؟

عامل التليفون : ان شاء الله .

فاضل : ادينى عزمى .

عزمى : ( عزمى يدخل مع رجل الأمن ) ايوه .

فاضل : فاطمه مراتى هنا ( تقف الى جوار فاضل عند الهاتف ) .

فاطمه : ( تقف الى جواره ) ايوه لنا يا سعادة البيه .

فاضل : الراجل بيقول ممنوع الستات .. يعنى ايه ممنوع الستات ؟

صفيه : خلاص يا فاضل خلص الموضوع الدكتور عزمى جه .

عزمى : يا ابنى سيّب التليفون لنا جيت لك اهمه .

فاضل : ( يمسك التليفون ) جيت لى فين ؟

عزمى : يا بنى ممنوع الزيارات علشان الرئيس جاى .

فاطمه : بيقول الرئيس جاى .

رجل الأمن : ايوه الرئيس جاى .

فاضل : ريس المستشفى .

عزمى : ( يأخذ من يده الهاتف ويضعه جانباً ) لا الرئيس الكبير .

فاضل : الكبير .. المشير .. مش ريس الجيش هو المشير .

عزمى : لا الكبير خالص .

رجل الأمن : الكبير خالص سمعت .

فاضل : اه الوزير ؟

رجل الأمن : لا الكبير خالص .

فاطمه : رئيس الوزراء ؟

فاضل : رئيس الوزراء صح .

عزمى : اللى فوق .. اللى فوق .. !

فاضل : اللى بشوفه فى التليفزيون ؟

صفيه : ايوه يا اخى الرئيس .



فاضل : الرئيس الكبير - الرئيس الكبير جاى هنا الله اكبر الله اكبر .  
فاطمه : وحشوف فاضل .  
عزى : ايوه يا عسكرى .  
فاضل : ح اقوله .  
رجل الأمن : ( يدخل ) حتقوله على ايه يا فاضل ؟  
فاضل : ح اقوله على القاريط اللى سرقها منى المده .  
رجل الأمن : لا - مش وقته تقوله الحمد لله انا مبسوط يا ريس واحنا تمام  
والحمد لله وكله بخير سامع وإلا لا ؟  
فاطمه : الله بتشخط فى الراجل ليه .. خد لك بقى ميه يا خويا .  
فاضل : ح اقوله ان الواد محروس ابن اخويا قاعد فى الفصل على الأرض ومعا  
٨٠ ثمانين عيل قاعدين على الأرض .  
رجل الأمن : لا .. مش وقته حتقوله احنا بخير يا ريس .. الحمد لله يا ريس انا  
مبسوط يا ريس .. كله تمام كلنا بخير فى عهدك يا ريس سامع وإلا ..  
لا .  
فاطمه : دهديه .. بتشخط فى الراجل كده ليه .. خد لك بقى ميه .  
فاضل : اروح الحمام .  
عزى : مش وقته يا عسكرى .  
فاطمه : انتم بتشخطوا فيه ليه .. خد بقى ميه ياخويا .  
فاضل : ما حدش يشخط فىا كلكم عليا ليه ؟ انا حقول الرئيس على كل  
حاجه .. ان الإوضه كانت وسخه ، والسرير اتغير ومفيش تليفزيون .. ولا  
راديو .. والاكل بييرموه على الباب وانهم اكلوا اكل العيانيين .  
رجل الأمن : لا.. لا .. مش وقته حتقوله الحمد لله يا ريس .  
فاضل : احنا بخير يا ريس .  
فاطمه : الحمد لله يا ريس .  
فاضل : انا مبسوط يا ريس .  
رجل الأمن : ايوه مضبوط .  
فاضل : كله مش تمام يا ريس .



الجميع : بتقول ليه ؟  
فاضل : هو انا قلت حاجه .  
عزمى : شوف يا بنى .  
رجل الامن : كل مشاكلك كلها حنحلها ونشوفها بعد الرئيس ما يمضى .. انا لوعدك .  
فاضل : انت مين يا اللي مش عارفك انت مين ؟  
رجل الامن : الرئيس جاي يوزع نياشين وأوسمه عليكم .  
عزمى : الرئيس جاي يتصور معاكم .  
صفيه : وانت حنطلع مع الرئيس فى التلفزيون .  
فاضله : يا حلاوه . يا حلاوه .  
صفيه : جوزك بطل ولولا دعا فاطمه كنت مت فى اللثم لكن اتصابت وبس .  
فاضل : ربنا انتدنى .. الحمد لله الحمد لله .  
رجل الامن : بقولك ايه .. فى حد فى عيلتك قابل رئيس قبل كده .  
فاضل : ادينى بقى ميه يا فاطمه احسن الراجل دا بيخضنى على طول .  
( تعطيه فاطمه كوب ماء ليشرب ) .  
رجل الامن : رد عليا .  
فاضل : ليوه عايز ايه ؟ ( يقلده )  
رجل الامن : فى حد فى عيلتك قابل الرئيس ؟  
فاضل : لا .  
رجل الامن : خلاص انت دخلت التاريخ .  
فاضله : دخل التاريخ ازاي ؟ هما بيدخلو ا التاريخ ازاي ؟  
رجل الامن : حنصور مع الرئيس .  
فاضل : بس انا ح اقول للرئيس - فى القلعه عاملين متحف حربى مفهوش  
صورة عسكري واحد - كل اللي فيه ضباط انا عايز صورتي - ابقى  
اول عسكري فى المتحف .  
رجل الامن : لا .. مش وقته ح تقول له الحمد لله يا ريس .. انا مبسوط يا ريس .  
كله تمام يا ريس .. كله بخير يا ريسى والا .. لا ؟  
فاضل : مش حنفع الميه يا فاطمه .. القنابل هناك ما جلتيش الا لبول اما



صوت الراجل دا يقطع الخلف منى .. يا ست صفيه .  
 صفيه : نعم .  
 فاضل : الراجل دا خدوه فى التليفزيون بدل ماما كريمه .. يشخط فى الرجاله .  
 والنسوان كل يوم .. حيقطع الخلف من البلد .. والشوارع حترجع تانى  
 فاضيه .. والشقق مكتوب عليها للإيجار .. وتتبخر تانى .. ومفيش زحمه  
 وصوره الراجل دا نخطها فى كل حته .. والتسجيلات بتاعة صوته يسمها  
 الولاد فى المدارس تبطل تبلىغ ونصدها على شرايط للهند والصين  
 ويحددوا اعداد قوام ونكسب من الشرايط مكسب .  
 رجل الأمن : ولد يا فاضل بطل تهريج .  
 (صوت عربات وصفارات رئاسة الجمهوريه .. الكل بيجرى ويهرول  
 خارج المسرح وصوت تحيات .. يظل على المسرح فاضل وقاطمه فى  
 بقعة ضوء .. نسمع صوت قلبه يدق مع قاطمه فى رهبه وخوف )  
 فاضل : بنت يا قاطمه .  
 فاطمه : ايوه يا فاضل .  
 فاضل : شكلى حلو يا بنت ؟  
 فاطمه : قمر يا اخويا قمر .  
 فاضل : حتصور مع الرئيس يا قاطمه واخذ وسام .  
 فاطمه : قولى يا فاضل .. الوسام جتعمل بيه ايه ؟  
 فاضل : نجعل بيه ايه يا بنت انت عبيطه .. الوسام دا يا بنت زى خاتم سليمان  
 انتى عارفه خاتم سليمان ؟  
 فاطمه : لا .  
 فاضل : مصباح علاء الدين والعفريت اللى فيه عرفاه .  
 فاطمه : عرفاه .  
 فاضل : الوسام دا زى المصباح اى حاجه حنطلبها حنلقها .  
 فاطمه : الوسام دا .. يا حلاوه .. يا ولاد .. وسام خاتم سليمان .  
 فاضل : ايه اللى خاتم سليمان بقولك زى .. زى يا قاطمه .  
 فاطمه : حاضر يا خويا .. حاضر .



( صوت دقات الساعة .. سيوت عليها .. مع صوت مخيف )

- فاطمه : ما حدش جه يا خويا وفاتت ساعه .. فاضل .  
فاضل : ( لايرد ) .  
فاطمه : فاضل .  
فاضل : ( لايرد ) .  
فاطمه : فاضل انت مت ؟  
فاضل : (لايرد) .  
فاطمه : مالك يا خويا .. ما بتردش ايه ؟ فات ساعه يا خويا وماحدش جه ؟  
فاضل : انا عايز اكله يا فاطمه .  
فاطمه : تكلم مين ؟  
فاضل : اكلم الرئيس مش هو كبيرنا .. مش هو المسؤول الاول .. عايز اقول .  
رجل الأمن : ( صوت رجل الأمن وكأنه من داخل فاضل ) لامش وقته .  
فاطمه : حتقوله ايه (فاطمه لا تسمع صوت رجل الأمن )  
رجل الأمن : تقول الحمد لله يا ريس .  
فاضل : الحمد لله يا ريس .  
فاطمه : حتقوله اللي عملوه معاك فى المستشفى لما يسالك عامل ايه يا فاضل ؟  
رجل الأمن : (صوت) الحمد لله يا ريس .. ميسوط يا ريس .  
فاضل : الحمد لله يا ريس .. ميسوط يا ريس .  
فاطمه : لو سالك عن صحتك واحولك حتقوله ايه ؟ حتقول عن الجسر اللي وقع  
ح تقوله عن المدارس اللي فى بلدنا ح تقوله عن الميه المسممه اللي  
بنشربها من الحنافيات ح تقوله على التليفونات ح تقوله ايه ؟  
فاضل : ايوه ح اقول .  
رجل الأمن : لامش وقته .  
فاضل : لامش وقته .  
رجل الأمن : الحمد لله يا ريس .  
فاضل : الحمد لله يا ريس .  
رجل الأمن : كله تمام يا ريس .



فاضل : كله تمام يا ريس .  
فاطمه : مالك يا فاضل هفتان كده ليه عيان ؟  
فاضل : عايز لروح الحمام يا فاطمه .  
فاطمه : تعالى يا اخويا اوديك الحمام .  
رجل الأمن : ( يدخل مع صوت ضوضاء ) .. استعد يا فاضل .  
فاضل : هو چه .  
رجل الأمن : ايوه .  
فاضل : لمو چه يا فاطمه .  
( يدخل رجال من الصحافه ورجال من التلفزيون .. الدكتور عزمى  
ضوضاء ، يدخل ضابط كبير فى القوات المسلحه )  
عزمى : اتفضل .  
فاضل : ( ينظر للضابط ) ( ينفجر ) الحمد لله يا ريس احنا بخير .. انا  
مبسوط يا ريس احنا تمام يا ريس والحمد لله كل شئ عال والخدمه  
فى المستشفى ممتازة وبتاكل لحمه ونرمى العضم للحيوان وكله بخير ..  
الجسر فى بلدنا تمام والميده فى بلدنا تمام ولاهم دهنو المستشفى ولا  
كانت وسخه ولا كانوا بيرمو ا الأكل على الباب ابدا .. وكله تمام يا ريس  
.. سامع يا دكتور عزمى انا حافظ ايه ..  
عزمى : يا بنى دا الفريق .  
فاضل : فريق .  
عزمى : ايوه الفريق نيابيه عن السيد .  
فاضل : ( مقاطعاً ) نيابه ايه هو احنا عملنا حاجه ؟  
فاطمه : مش ده هو الرئيس يا فاضل .. بيضحكوا .. بيضحكوا عليك .  
فاضل : هو انا ثايه عن الرئيس .. دا انا عارفه وشافيه كل يوم فى التلفزيون  
.. مش هو . فريق ايه هو احنا حنلپ كوره .  
فاطمه : ايوه مش هو .  
فاضل : جايلى واحد مزور .. انا شفت فى السينما واحد مزور بدل هتلر فى  
الحرب العالميه كانوا بيطلموه كده وكده .. بس دا ياخنى مش شبهه .



فاطمه : أيوه الراجل دا مش هو .  
عزمى : الفريق ،  
فاضل : ما انت قلت انه فريق مش دا الرئيس ولا غلط .  
صفيه : ( تدخل ) الرئيس حيتصور معاكم كلكم يا فاضل .  
فاضل : انتى مش عارفه الرئيس ولا ايه يا ست صفيه ؟  
عزمى : الفريق حيسلمك الوسام نيابه عن الرئيس .  
فاضل : حترجع وتقول نيابه .  
عزمى : دا قائد اللواء ١٥ .  
فاضل : ما اعرفهوش .  
عزمى : استلم الوسام ويلا علشان تتصور مع الرئيس .  
فاضل : هو فين ؟  
صفيه : واقف فى الصاله حيتصور مع كل الأبطال .  
فاطمه : حط الوسام على صدرك يا فاضل .  
فاضل : انا حطه ايه ( يضعه على صدره ) بس ودونى الحمام الأول كله تمام يا ريس .  
( صفيه تقف فى داخل بقعة ضوء ) .  
صفيه : عزيزى المشاهد .. انها لحظه ان يلتقى أبطال مصر يقائد مصر فى صورته تذكاريه تجمع القائد الأعلى للقوات المسلحه مع أبنائه الجنود .  
( تجرى خارج المسرح .. ستار مع تغيير ديكور للمشهد الثانى )  
المشهد الثانى .  
( يفتح الستار على منزل عمدة السوالم وقد جلس يتحدث فى الهاتف )  
العمده : أيوه يا سعادة الباشا .. احنا كلنا تحت امرك يا باشا أيوه أيوه تحت امرك .. مع السلامه .  
النفير : يا جناب العمده ( الفقير يرتدى جلابيه ويحمل سلاحا )  
العمده : نعم ( يشد الشيشه من يده ) فيه ايه يا فقير ؟  
النفير : الواد فاضل عبد السميع .  
العمده : مات .. يا حول الله يا رب .. أبوه الله يرجيه كان صاحبى مرات



سافرت لمصر وقالت دا مات لو خطر ؟ .. شهيد والشهداء فى الجنة ..  
جنسى باسمه المدرسه الابتدائيه وتعلمه صوان دى حرب التحرير  
والشهيد من عندنا يعنى ان الدم بتاعنا هناك .. لاحول ولا قوه الا بالله ..  
: فاضل عبد السميع ما متش .  
: ليه ؟ مامتش ؟ ازاي ؟ دا كان لازم يموت شهيد علشان يرفع راسنا  
: دا واقف بره ومعا مراته .  
: روح جتك النم وانت ما وركش غير الاخبار المنيله بستين نيله خليه  
يدخل والا اتقولك قوله العمده مش فاضى .  
: دا بيتقول جاك من طرف الرئيس  
: ( يقوم ويترك الشيشه ) من طرف الرئيس يااهلا وسهلا يااهلا  
وسهلا من طرف الرئيس يا الف مرحب .  
: ( يخرج ويدخل فاضل وفاطمه والغفير )  
: انا جيت لك يا عمده ..  
: يااهلا وسهلا .. ازيك يا فاطمه .. حمد لله على سلامتكم .  
: الله يسلمك يا عمده .  
: فاطمه قالت انك فى خطر حزنك والله ودعيت لك ..  
: متشكرين يا عمده .. انا جيت لك من عند الرئيس وبيقولك ادبني  
التلت قراريط بتوع ابويا .  
: ارضك فى عينيا .. ارضك دى يا بنى دين وفى رقتي .  
: فى جيبك .  
: الله يخيك يا مضروب .  
: خلاص الرئيس بيقولك ادبني التلت قراريط .  
: الرئيس قالى روح للعمده وخذ القراريط بتوعك منه .  
: كلام الرئيس على عيني وعلى راسي .. والارض موجوده وفلوسها شايلها  
لك معي امانه .. ما انا كنت خايف تاخذ الفلوس وتضيعها ما انا عارف  
الشباب وعمايلهم .  
: يا سلام عليك يا حرامى .

الغفير

العمده

الغفير

العمده

الغفير

العمده

الغفير

فاضل

العمده

فاطمه

العمده

فاضل

العمده

فاطمه

العمده

فاطمه

فاضل

العمده

فاطمه



النغير : ( يضحك ) .  
 العمده : يتضحك على ايه يا ابن امنه سلامه .  
 النغير : ولا حاجه .  
 العمده : عيب يا فاطمه الا الفلط وبعدين يا بنتى كل حاجه تحت امركم .. بس  
 فين الاماره .  
 النغير : ايوه فين الاماره زى ما بيتقول جناب العمده .  
 فاطمه : اماره ايه ؟  
 العمده : مش انت بعثك الرئيس .. فين الاماره ؟  
 فاضل : انت ما شفتينش فى التلفزيون معاه .  
 العمده : الكهربا، كانت مقطوعه يا بنى من البلد بقالها اسبوع وما شفتش  
 التلفزيون .  
 النغير : مش بتقول الرئيس بعثك فين الاماره ؟  
 فاضل : اماره .  
 العمده : ايوه اماره ان شالله حته ورقه قد كده ( يشير الى كفه ) مش ح  
 اقولك يتصل بيه فى التلفزيون او بيعت لى المحافظ عايز حته ورقه قد  
 كده .  
 فاضل : خد بص . ( يخرج الجريده ويقدمها له )  
 العمده : ايه ده جورنان .. ما اعرفش اقرا .. هو الرئيس كاتب لى كلمه فى  
 الجورنان .  
 فاطمه : لا يا عمده بص فى الصوره .. صوره فاضل ابيه وصوره الرئيس ابيه .  
 فاضل : انت اتصوره مع الرئيس يا عمده .  
 العمده : لا .. ورينى كده ( يمسك الجريده ) والله عال اتصورت مع الرئيس يا  
 فاضل .  
 فاضل : ( بكبرياء ) ايوه .  
 العمده : انت فين ؟  
 فاضل : قدامك فى الصوره ايه .  
 العمده : ايوه ما انا عارف الرئيس ايه .. انت فين ؟



فاطمه : ما تبص كويس يا عمده .  
العمده : شوف يا واد يامصلحى بمص كويس .  
التغير : انا بابص لهه ( يمسك الجريدة ) .  
فاضل : (بكبرياء) بمص كويس يا مصلى وورى العمده .. اصل من اكل الفول بطل يشوف .  
التغير : ياخداوه .. دا الرئيس لهه .. بس انت فين يا فاضل ؟  
فاطمه : بطل عبط يا واد يا مصلى احسن اخذك قلمين على سداغك .  
التغير : دا الرئيس .  
فاضل : مين اللى وراء الرئيس ؟  
التغير : ناس .  
العمده : هاتى القهوه يا خضره وحطلى القوالح على النار .  
فاطمه : ( لفاضل ) وريله الوسام .  
فاضل : ايوه الوسام .. بمص يا عمده .  
العمده : جايبل ورقه جورنال فيها صورة الرئيس وتقولى الرئيس باعتنى .  
التغير : دا اسمه نصب واحتيال يا جناب العمده .  
العمده : اتصل يا ولد بالمركز وقولهم فى نصاب حدانا بيقول انه بيعرف الرئيس ويتمحك باسمه .  
التغير : انا ح اتصل اهو بالمركز ( يمسك الهاتف ) الو المركز يا مركز حدانا نصاب .  
فاطمه : عيب عليكم يا خلق تعملوا كده .  
فاضل : بمص فى الجورنال كويس يا حضرة العمده .  
العمده : الجورنال مفهوش حاجه غير صورة الرئيس .. انت اتجنيت يا ولد والا اتجنيت لما تقول الرئيس بعنك ايا .  
فاطمه : والوسام ده .  
التغير : الو يا مركز حدانا واحد نصاب ( التليفون للتهووش ) .  
فاضل : الوسام لهه .  
العمده : وسام ايه يا ولد ؟



|        |   |
|--------|---|
| فاضل   | : يعنى نيشان .  |
| العمده | : يعنى ايه يا فاطمه ؟   |
| فاطمه  | : يعنى مصباح علاء الدين ولا خاتم سليمان يا عمده .                 |
| العمده | : النى ايه .  |
| فاطمه  | : ايوه تدعك كده يطلعلك عفريت يقولك شيبك لبيك عبدك وبين ايديك .    |
|        | مش كده يا فاضل .  |
| فاضل   | : يا جهله .. يا جهله ( لفاطمه ) .                                 |
| العمده | : طيب .. ادعكى الحديده يا فاطمه وقوليلها تحييلنا بجررتين .        |
| المغير | : والا معزتين زى بعضه .   |
| العمده | : والا فدائين احسن .  |
| فاضل   | : دا اعلى تقدير من الدوله .                                       |
| العمده | : دولة مين ؟  |
| فاضل   | : مصر .   |
| العمده | : مصر القديمه والا الجديده ؟                                      |
| فاضل   | : يلا يا فاطمه احسن دمي بدا يغور .                                |
| العمده | : ادعكى الحديده يا فاطمه .. وداخل عليا يقولى الرئيس باعتنى .      |
| العمده | : وجايب لى جورنال .   |
|        | ( يمسك الجريده يمزقها ) طيب امى .. ادى الجورنال اهمه .            |
| فاضل   | : قطعله .. انا شارى ثلاثين واحد غيره عامل حساب الحاقدين والحاسدين |
|        | اللى زيك .  |
| العمده | : انا حاقد عليك انت يا اخى مع .                                   |
| فاضل   | : ( يشير للعمده ) مين دا يا فاطمه ؟                               |
| فاطمه  | : دا العمده .   |
| العمده | : دا مين اللى بيكلمنى ( يشير الى فاضل ) .                         |
| فاطمه  | : دا فاضل بوش .   |
| العمده | : فاضل بوش .. اتارى امك الله يرحمها كانت رايعه جايعه على          |
|        | امريكا وابوك مات مقهور واللى يساله عليها يقول مش هنا دى مشتركه    |



فاطمه : فى برنامج الفضاء مع امريكا .. آه يا لثيم .. عرفت السر دلوقت .

فاضل : ( لفاضل ) الراجل دا زودها احط الوسام قدام عينيه واقول خذ روحه ؟

فاطمه : ليوه .

فاطمه : ( تمسك الوسام وتتقدم به نحو العمده ) الهى ربنا يخذك وتموت يا عمده .. موت يا عمده .. هع .. هع .

العمده : بتنهق ايه يا بنت كده ؟

فاطمه : الوسام دا مبيعلمش حاجه يا فاضل .. المفريت باين هرب منه .

فاضل : هرب ازاي يا بنت ؟ اعملى تاني كمان مره ؟

فاطمه : اعمل ايه ؟

فاضل : ادعكى الوسام ..

فاطمه : ايه يا خويا عماله ادعك .

العمده : ادعكى يا فاطمه كمان .. يمكن سره بيان والا تاخدى الواد مصلحى يساعذك .

فاضل : انا عايز لرضى يا عمده .

العمده : ارض ايه يا فاضل يا بن بوش .. لما ابوك بوش.. امك مين يا بنى ؟

فاضل : الشرعيه الدوليه .

العمده : بيتقى مش من بلدنا .. يلا يا بنى روح شوف لك عربيه بطاطما اسرح بيها والاعربيه طماطم .. ورانا مصالح وإن فضلت هنا هاسلمك للمركز .. هاتى لى الشاى يا بنت يا خضره .

مصلحى : يلا يا اخويا انت ومراتك على الله . . . يحزن .

فاطمه : دا مش خايف من الجورنال وقطعه .. مش خايف من الوسام .

فاضل : اللى ماخافش من ربنا يا فاطمه يخاف من الوسام آه يا نفوخى .

( ستار سريع )

انتهاء الفصل الأول .



مسرحية وسام من الرئيس

الفصل الثاني

تأليف : السيد الحافظ







(يفتح الستار على كشك سجائر علي رصيف وقد علق عليه الوسام  
وصورة فاضل .. الراديو ينبعث منه أغنية من الراديو .. بعض الصحف  
علقت ..... بعض الحلويات .. كتب على الكشك "كشك البطل" فاطمه  
تقف مع عبده)

فاطمه : (تتأدى) عندنا الحلويات والسجائر .  
عبده : قرب قرب حلويات وسجائر .  
فاطمه : إحتنا متشكرين قوى يا سى عبده تبناك معانا .  
عبده : تبك راحه يا ست فاطمه .. إنتى زى أختى والأخ فاضل زى أخويا ..  
فاطمه : والله فاضل عمال يشكر فيك .  
عبده : فاضل دا بطل .  
فاطمه : ماهو انت كمان مش بتقول عديت القتال فى حرب ٧٣ ؟  
عبده : مظبوط .  
فاطمه : وإيه إالى شتلك بواب .. لامواخذه يعنى .  
عبده : اصل انا بعد ما جيت من الحرب كافنوتى وعينوتى فراش .  
فاطمه : يعنى يا خويا ؟ فراش إزاي ؟  
عبده : فراش يعنى موصلاتى . يومل الورق من مكتب لمكتب .  
فاطمه : فهمت ودى الشنلانته إالى لقيتها لك الحكومه ؟  
عبده : هو قين سى فاضل ؟  
فاطمه : راج يشتري شوية بسكويات للولاد .  
محروس : إيه دا .. إيه دا .. (يدخل المسرح) قدام عمرتى انا وعلى الرصيف إالى  
قدامى يتعمل كشك حقير .  
فاطمه : كشك البطل .. يافندى ياعديم النظر .  
محروس : مين البنت دى ؟ يا عبده ؟  
عبده : دى (يرتبك) .  
فاطمه : انا فاطمه .  
محروس : فاطمه مين بنت مين ؟  
فاطمه : فاطمه .. فاطمه بنت أبوك سالم أبو سليمان .



محروس : ابويا سالم ابو سليمان ما اعرفهوش .  
فاطمه : يانهارك مش فايت إنت ما تترفهوش مع ابنى بتشبه عليك شفتك فين شفتك فين ؟  
محروس : عبده .  
عبده : صباح الفل .. صباح الخير .. ياسعادة البيه .  
محروس : صباح الزفت .. صباح الهباب .. الكشك دا جه هنا إزاي ؟ ومين ؟  
بناه .  
فاطمه : إبنى إمبراح .. بنيتته انا وفاضل واخوك عبده .  
محروس : اخويا عبده (يتأفف) عبده .  
عبده : نعم ياسعادة الباشا .  
محروس : إزاي تعمل العملة المنيله دى ؟  
فاطمه : الله الله إنت داخل فينا شمال كده ليه ؟  
محروس : إزاي تعمل الكشك دا هنا ؟  
فاطمه : ما انا قلت لك .. عملته انا وفاضل وسى عبده .  
محروس : ياسلام .  
فاطمه : الله يسلمك .  
محروس : وبعدين .  
فاطمه : راجل شهم .. بطل حرب اكتوبر .  
محروس : والله .  
فاطمه : الله يخيبيهم عينوه فراش بعد ماعدا القتال ومشى وسط النيران وقتل كام واحد من الأعداء عينوة فراش .. انت مش عارف يعنى ايه فراش ..  
فراش يعنى موصلاتى ورق وحاجات بين المكاتب .. حسره عليك من فراش لبواب .. شفت الأبطال فى بلدنا بيشتتلوا ايه بعد الحرب فراشين .. يا بوابين وانا فاكركه لما كنا فى الحرب وصغيريين نقوله ابنتك يقولك يا بطل هاتلى نهار .. كنا نقول عليهم ابطال مصر ونشوفهم فى عربيات ونصفق لهم ويد ما ينزلوا من العربيات نديهم الوظيفة فراش وبواب وكمسرى دا كلام . !



محروس : انتى بتدينى محاضره سياسيه .. الكشك دا يا عيده بتاع مين ؟  
فاطمه : فاضل .  
محروس : فاضل مين ؟ يطلع ايه ؟  
فاطمه : عندك اوعى تنلط فى جوزى انا عارفاك .  
فاضل : ( يدخل ) سلاموا عليكم .. ( ينظر الى محروس ) فيه ايه ؟ مش معقول الأستاذ الكبير محروس شغلها .  
محروس : انت تعرفنى ؟  
فاضل : الأستاذ الصحفي محروس شغلها .. انا يا استاذ اشد المحبين بيك .. انت يا استاذ معروف .. انا كل يوم اشتري الجورنال فى حرب التحرير علشان اقرأ مقالاتك وكل يوم اشوفك فى التلفزيون حتى بالأماره عندك عشرين بدله محترمه من اللى هى .. صبح ؟  
محروس : شكرا يا بنى ( يعطيه جنيهه ) .  
فاضل : متشكر .. والا كلامك .. كلامك الل بينقط سكر .. علم فهم حداقه مفهوميه .. الأستاذ محروس شغلها .. دا كان حلمى لشوفك من زمان .  
فاطمه : يا سلام .  
محروس : خد يابنى الجنيه دا كمان .  
فاضل : ربنا يخليك .  
فاطمه : ايه دا انت بتاخذ منه فلوس ؟  
فاضل : ليه اخد منه .. دا جيبى .. جيب الناس .. ليه دا الأستاذ محروس شغلها .  
فاطمه : يعنى ايه محروس شغلها ؟ .. يطلع ايه يعنى .. حته جورنالجى لا راج ولا جه .  
فاضل : اخرسى .. ( يضربها ) .  
فاطمه : بتضربنى علشانته ؟  
محروس : براقوا عليك انت يا ولد كويس خد كمان جنيه .  
فاضل : لا (ثم يأخذة) .



محروس : انت وعبد شيل الكشك دا من هنا .  
 فاضل : كشك ايه ؟  
 محروس : بتاع الست دى .  
 فاضل : دا مش بتاعها .  
 محروس : ايوه عارف عارف بتاع .  
 عبده : ( لمحروس ) يا سعادة الباشا سيب الكشك للناس الغلابه .  
 محروس : مش حتنفع تشتغل بواب بعد ما ضحكت عليك الست دى بكلمتين الولد  
 دا كويس قوى ( يشير الى فاضل ) ينفع يشتغل بدلك يا عبده .  
 فاطمه : وكمان حيشطوك بواب .  
 محروس : انا حر اشفله زى ما انا عايز .  
 فاطمه : بواب بدل عبده .الراجل الطيب .  
 محروس : وانتى مالك الولد دا ممتاز واشغله زى ما انا عايز .  
 فاضل : انتى عارفه لولا مقالات واحاديث الأستاذ شعلها ما كنتش الحرب قامت  
 .. الأستاذ شعلها دا .. هو اللي كنا بنفتح عينينا عليه فى الجرايد وننام  
 وصورته وصوته فى ودنا .. دا صاحب مقالة اضربهم يا بوش واريحنا .  
 محروس : خد كمان جنيه يا ولد مش خساره فيك .. انت ولد كويس حافظ  
 مقالاتى كويس .. يلا .  
 فاضل : يلا ايه ؟  
 محروس : شيل الكشك .  
 فاضل : انت يتهزر ؟  
 محروس : لا مبهرش .  
 فاضل : والكشك تابعك فى ايه بس ؟  
 فاطمه : اساله .. اسال الأستاذ شعلها .  
 فاضل : الكشك دا وهو هنا بيوجك يعنى ؟ بيقرمك فى حاجه ؟  
 محروس : انا ساكن فى حى راقى فى شارع هادى . الكشك حيلم الولاد الصيع .  
 فاضل : مش انا اللي الم صيع يا بيه انا على باب الله ..  
 محروس : وانت ايه اللي دخلك فى الموضوع .. شيل الكشك انت وعبد .



عبد : يا باشا .  
فاضل : يا استاذ شملها الكشك دا بتاعى انا .  
محروس : بتاعك انت .. بتاعك انت يتشال .  
فاضل : انت بتهزر ولا بتتكلم جد ؟  
محروس : بتكلم جد طبعاً .  
فاضل : هو الشارع دا لامؤخذه بتاع ابوك .. اسمه شارع شملها ؟  
محروس : احفظ أدبك .  
فاضل : ( بصوت عالى ) الشارع دا بتاع الحكومه صح ولا لا .  
محروس : ايوه بتاع الحكومه .  
فاضل : انا بقى ابن الحكومه .  
محروس : ابن مين يا ولد انت ؟  
فاضل : ابن الحكومه مش كنت بتذيع فى الراديو ولادك يا مصر حيحروا  
الأوطان .. بعد كل حديث لك .  
محروس : ايوه دا كلام الراديو زى ما بيذيع الأغاني .  
فاضل : انا بقى صدقتك وصدقت الراديو .  
محروس : خلى الراديو يدبك تصريح بقى .  
فاضل : الراديو يدينى تصريح ؟  
محروس : ايوه الراديو ايه ( يشير الى الراديو ) الراديو ايه خليه يدبك تصريح .  
فاضل : انت سخن ولا جرى لك حاجه فى مخك .. خد التلاته جنيه اللى  
عطيتهمولى .  
محروس : أربعه جنيه .  
فاضل : يا لئيم حافظهم يا شملها .. خد الجنيه الرابع ايه .  
محروس : الشارع ممنوع يتعمل فيه كشك إلا بتصريح من الحكومه .  
فاطمه : التصريح ايه ( تقدم الوسام ) .  
محروس : ايه دا ؟  
فاطمه : مش عاجبك .. بمن كمان ( تقدم له الجريده ) .  
محروس : ايه دا وسام وجورنال ايه .. انا بسالك فى التصريح ؟



فاطمه : دا احسن من التصريح .  
محروس : ( يفتح محفظته ) خد يا بنى عشره جنيه وشيل الكشك دا من هنا .  
فاطمه : لا بقى إحنا مش ماشيين احنا قاعدين فى ملك الحكومه .  
محروس : ما تخليينش استعمل القوه معاك (يهدده بضربه بالقدم) .  
فاضل : حتضربنى إكمن رجلى وجمانى ومتصايه .. لاوحياك انا اقدر اضربك .  
فاطمه : والله اللى جيمد ايده علينا حتفرجه .  
محروس : يا عيده إتصل بالبوليس .  
عيده : مملش يا سعادة الباشا .  
محروس : إتصل بالبوليس قولهم محروس شعلها بيعولكم تنالوا فورا .  
عيده : مملش يا باشا .  
محروس : خليه ينقل الكشك من قدام عمارتنا فى الشارع التانى .  
فاضل : واشمعنى يعنى شارعكم دونا عن الشوارع . على راسه ريشه .  
فاطمه : دا احنا قلنا الشارع دا هادى وحلو .  
موظف ١ : ( يدخل ) صباح الخير .. فين صاحب الكشك دا ؟  
فاضل : انا .  
فاطمه : انا .  
موظف ١ : انتم الإثنين ؟  
معا : ايوه .  
محروس : اطردهم من هنا يا حضرة .. انا محروس شعلها الصحفي السياسى .  
موظف ١ : معرفكش .  
محروس : مابتقراش جرايد ؟  
الموظف : لا .  
محروس : بتشوف طيفريون ؟  
الموظف : لا .  
محروس : إنت مين ؟  
الموظف ١ : انا مندوب مكتب العمل .. مين العمال اللى عندكم ؟  
فاضل : عمال ايه ؟ انت شايف إن احنا عندنا كافيتريا ولا مطعم .. دا كشك .



فاطمه : شوف يا خويا .. دا الوسام .. خده جوزى فاضل .. خده من الرئيس دا  
بطل حرب التحرير .  
فاضل : ودا عبده بطل حرب اكتوبر ضرب خمسين دبابه .  
عبده : أهلا وسهلا .  
فاضل : ( للموظف ) وانت ؟  
الموظف : انا بطل الإنسحاب .  
فاضل : نعم .  
الموظف : انا انسحيت سنة ٥٦ وانسحيت سنة ٦٧ واتزنت فى الثغره سنة ٧٣ .  
محروس : الحرب خلصت خلاص والسلام جه والنظام العالمى لازم يسود المجتمع .  
الموظف ١ : اسم صاحب العمل ؟  
فاطمه : فاضل عبد السميع .  
الموظف : مخالفه عن عدم وجود رخصه ومخلفه لأنك مش معلق ميماد فتح  
الكشك وغلقه .  
فاطمه : ايه دا كل دى مخالفات ؟  
الموظف ١ : ما هو انا مالتصرتش زيكم لازم انتقم منكم .. ومخالفه للصحفى  
محروس شملها .. سلاموا عليكم ( يخرج )  
فاطمه : المخالفه دى معناها إتنا مع الحكومه .  
محروس : شوف يا بنى الحكايه مش سهله تفتح كشك فى شارع وخامسة الشارع  
اللى انا ساكن فيه .  
فاضل : يا سلام يا اخى اشمعنى الحكايه كانت سهله وانا بحارب واضرب كنت  
انت فين لما كنت انا هناك على يمينى صحراء وعلى شمالى صحراء  
وقدامى صحراء .. وورايها صحراء .. انت كنت فين يا استاذ شملها قاعد  
فى التلفزيون تقول اضرب يا اخى . حارب يا اخى .. إنها حرب التحرير  
وقاعد فى التكييف وعريبتك مكيفه هه انطق .. كانت سهله ليك .  
محروس : كله يحارب فى موقفه .  
فاطمه : يعنى ايه كله فى موقفه .. بتحارب فين حدد ؟  
محروس : كنت بحارب بقلمى .



فاضل : تحارب بتلمك .. يا لئيم .. واتاريني وانا قاعد فى الحرب شايف  
طيارات يتقع من السماء .. اقول ايه دا يا ولاد الطيارات دى واقعه كده  
ليه يقولولى من قلم الأستاذ محروس شعلها .

محروس : إنت بتالس يا ولد .. انا ح لوريك انا ح افرجك ( يخرج )  
عیده : ( يجرى خلفه ) يااستاذ محروس .. استنى بس شويه .

فاطمه : ماتقولش ولد .

( يدخل موظف ٢ )

موظف ٢ : فين صاحب الدكان ؟  
فاضل : انا .

موظف ٢ : فين الميزان ؟  
فاضل : ميزان ايه ؟

موظف ٢ : مش انت بيع .. يبقى لازم عندك ميزان .

فاطمه : لامواخذه يعنى حضرتك مين ؟

موظف ٢ : انا من وزارة التموين .

فاضل : الميزان ملشترتهوش .

موظف ٢ : مخالفه على انك بتبيع من غير ميزان .

فاضل : يا ولد .. وزارة التموين قاعده للميزان بتاعى انا اشمعنى رغيث العيش  
وزنه مش سليم صح .. باكو الشاى وزنه مش سليم صح .. انا بقى شايف  
ان وزارة التموين تدى لكل واحد ميزان يوزن بيه حاجاته .

موظف ٢ : ميزانك فين ؟ طلعه من غير استعباط .

فاضل : يا جدع انا ما عنديش ميزان .

فاطمه : ماعندناش ميزان ياخويا لآنا ما نبمش حاجه بميزان .. ومش محتاجين  
ميزان .

موظف ٢ : لا .. انتم جتحتاجوا لميزان اكيد .. كل دكان لازم يكون عنده ميزان .

فاطمه : ياخويا .. شوف لنا ميزان بمعرفتك نشتريه منك .

موظف ٢ : إمسكى ( يسجل ورقه ) دى مخالفه علشان تدفوها لأن ماعندكمش  
ميزان ( يخرج .. يدخل محروس وعیده )



محروس : يا فت بوليس المراقق العامه زمانهم جايين .  
عبدہ : بتوع الإزاله .. يا بني زمانهم جايين امشى .  
شرطلى : ( يهر وهو يسير ) سلاموا عليكم .  
محروس : يا شاويش .. يا شاويش .  
الشرطلى : نعم .  
محروس : هد الكشك دا .. هده حالا .  
الشرطلى : نعم بتقول ايه سعادتك ؟ انا ما ليش دعوه بالهد .. انا رايح فى ماموريه .  
محروس : بتقولك هد الكشك دا واقبض على الجدد دا .  
فاطمه : اقبض عليه يا شاويش .  
فاضل : الراجل دا فاكر نفسه فوق الحكومه .  
فاطمه : الراجل دا شايف نفسه يا شاويش .  
فاضل : اقبض عليه وحلاوتك عندي .  
الشرطلى : بس انت وهو وهى انا عايز افهم الحكايه ايه ؟  
عبدہ : الحكايه بسيطه ياعم نوفل .  
الشرطلى : مادام بسيطه يبقى انا ماشى .  
محروس : استنى عندك .  
الشرطلى : ( يؤدى التحيه ) تمام يا افندم حضرتك لوا .  
محروس : لا .. لالواء ولا ضابط .. انا محروس شملها .  
فاضل : طيز فى الدنيا المجيبه .  
محروس : انت بتشتمنى وتقول طيز ؟  
فاضل : باقول فى الدنيا المجيبه .  
الشرطلى : وبعدين عايز افهم ايه الحكايه ؟  
فاطمه : افهمك انا ياخويا .. شايف الوسام دا ؟  
الشرطلى : ياخاوه ماله الوسام دا ؟  
فاطمه : دا بتاع فاضل .  
فاضل : انا .



الشرطى : يا حلاوه .  
فاطمه : واخذه اخوك فاضل من السيد الرئيس بطل حرب التحرير .. شايف لجورنال دا .. دى صورة فاضل مع الرئيس .  
الشرطى : ( يمسك الجريدة ) يالف مبروك .. الف مبروك يا فاضل .. عقبالى يا ولاد . ( يحضنه ) مبروك ياخويا .. الف مبروك وسام وصورة وصورة مع الرئيس .. دا اهو دا .. الف مبروك .  
فاضل : الله يبارك فيك ويديك واحد زيه .  
الشرطى : اهو نفسى انا فى وسام زى دا .. وصورة زى دى والنبي غلشان الواحد كده يعتز قدام ولاده واحفاده .  
محروس : إنتم حتتصاحبوا وتتفقوا عليا والا ليه ؟ .. انا بقولك هذ الكشك عليه حالا .  
الشرطى : ممالك امر لزاله يابيه ؟  
محروس : الواد دا ما عهوش رخصه .  
فاضل : معايا مخالف رخصه دا يعنى رخصه .  
محروس : الواد دا مخالف شرط الحى والمحافظة والقاهرة الكبرى .  
فاضل : بقيت انا مشكله القاهرة الكبرى .  
محروس : واى حاجه حتتسرق ييقى هو المسؤول .  
فاطمه : أنت اللى حرامى لانك سرقتنا بكلامك .  
محروس : اخرس .. انا مش خليك هنا دقيقه واحده بعهد كده .. انا حاتصل بوزير الداخليه حالا وراجع ( يخرج ) يخرج عيده) .  
عیده : ياسعاده الباشا كفايه .. تعالى .  
فاضل : ( للشرطى ) وزير الداخليه صاحبى .. ايوه صاحبى سلم عليا لما منت مع الرئيس وقالى رفعت رستا يا فاضل وطالب عليا .. اى والله نطق اسمى على لسانه .. طليب هو دلوقت حيتصل بيه .. حيقوله عايز ايه يامحروس حيقوله فاضل عبد السميع حيقوله فاضل دا بطل التحرير اتكسف يامحروس ومالكش دعوه بيه .. انا الوزير ويقولك اتكسه اهو وحيرجع مكبوس .



الشرطى : ابقى قوله يافاضل على مشكلتى .  
فاضل : انت عندك مشكله فى الوزاره .  
الشرطى : ايوه .  
فاضل : قولى متتكسفش .. الوزير ده حبيبيى .  
الشرطى : انا بقالى ثلاثين سنه خدمه ما اخدتش فيهم ترقيه ابقى صول وقاعد زى مانا .  
فاضل : بسيطه نخليك صول .. دا حبيبيى .. شوف صورته اهى واقف معنا ومع الرئيس كلنا مع بعض كلنا ابطال .. المواطن والوزير والرئيس فى الصوره .  
الشرطى : (صوت سياره التجده) عربيه التجده وصلت .  
فاضل : تلاقى الوزير باعت لى ... مش كده يافاضله .  
فاضله : انت ياخويا بطل الابطال .  
الضابط : (يدخل ضابط شرطه التجده) هو فين ؟  
فاضل : (للشرطه) قوله ياغم نوفل وفهمه .. انا مين ؟  
الضابط : فيه ايه ياغسكرى ؟  
الشرطى : تمام ياافندم .  
الضابط : هو فين ؟  
الشرطى : ايه .. (يشير الى فاضل) ؟  
الضابط : انت ياولد .. ايه حكايتك بالضبط ؟  
فاضل : رد عليه ياغم نوفل ما هو الضابط مهزائكم على طول .. رد .  
الشرطى : اصل الحكايه ياافندم .  
الضابط : اخرس انت انا بساله هو .. انت ايه حكايتك ياولد .. ومين البنت دى ؟  
فاضله : ماتقولش بنت انا ست الستات فاطمه مرات البطل فاضل عبد السميع ماتقولوش ياواد .  
فاضل : سامح ماتقولوش ياواد انا بطل .  
الضابط : بطل فى ايه بالصلاه على النبي .  
فاضله : بطل حرب التحرير واتصلب هناك واخذ وسام من الرئيس .. ايه ووسام ايه .



(يدخل محروس وعبيده)

محروس : (يحدث الضابط) يا حضرة العميد الواد دا لازم يمشى من الكشك دا حالا .. والكشك دا لازم يتهد فورا .

الضابط : اسمع ياوادي .. انت معاك رخصه من الحى .

فاضل : لا .

الضابط : معاك رخصه من البلديه ؟

فاضل : معايا الاكبر من دول .

الضابط : معاك ايه .. ماتقوليش الوسام والجرنال .

فاضل : معايا ربنا .

الضابط : ربنا معانا كلنا .. ما بهزرش معاك ؟

فاضل : انت بتغير منى ليه .. حاقدا عليا ليه .. حاسدنى ليه .. انت اخذت وسام الرئيس .

الضابط : لا .

فاضل : اتصورت مع الرئيس ؟

الضابط : لا .

فاضل : حاربت مع الدول الصديقه والدول الشقيقه .

الضابط : لا .

فاضل : امال انت حاطط تارك من نترى ليه زى جورج سمبو ؟

الضابط : مين جورج سمبو ؟

فاضل : دا عسكرى امريكاني .. كان هناك معايا بيتقولى اديك سيجاره امريكاني واديك على قفاك .. قلت له يا جورج اديك انا على قفاك وديتيني سيجاره امريكاني .

الضابط : يابنى دى اوامر .

محروس : الضابط عامل كبسه .

فاضل : كبسه (يضحك) كبسه عارفها .. دى رز ولحمه كانوا بياكلوها لنا هناك كل يوم رز ولحمه و يقولوا كبسه .. كته يكبس پايدة مفيش تفاهم اما الواد جورج سمبو كان ياكل اشى هامبرجر واشى حاجه ساقته وديما



يدلموه الوالد سيمبو الامريكاني دا .. ياخذ اكله يدهولى ما يشربش الا  
سجائر اجنبى وياكل اكل اجنبى حتى كلامه اجنبى .  
علمته عربى وكل ما اقول ليه ياسمبو ما دام اخنا زملة ما نكلش زى  
بعض وتدخن اجنبى زى بعض يقولى دى لواامر .

الضابط : انا اسف ياسى .. اسمك ايه ؟  
فاضل : فاضل عبد السميع .  
الضابط : انا اسف يافاضل ح اضطر اهد الكشك اللى عامله .  
محروس : فورا ارجوك فورا .  
الضابط : حاضر .. حاضر .  
فاضل : محروس شعلها قال فورا هد الكشك .. مش انت اللى كل يوم فى  
التلفزيون تقول اضربوهم .. يلا اضربوهم يلا ياخنودنا يالبطال .. فورا  
.. كل حاجه مشعلها .. مشعلها فى الهد بره وجده .

الضابط : انا مضطر اهد الكشك لم حاجتك .  
فاضل : انا عايز امى تجيبنى .. امى تجيبنى تدينى حقى .. قبل ما تهد .  
الضابط : امك مين ياولد ؟  
فاضل : الشرعيه الدوليه .  
الضابط : فيه واحده اسمها الشرعيه الدوليه .  
فاضل : الاستاذ محروس شعلها كان بيتقول فى التلفزيون ياخنودنا يا ابطال  
مصر امكم الشرعيه الدوليه . وايوكم النظام العالمى الجديد .. صح .

محروس : الواد دا هزاره دمه ثقيل وزودها خالص .  
الضابط : يافاضل انا مضطر للأسف اهد الكشك ابتعد واحد اتنين تلاته .  
(يهجم الجنود مع بلاك اوت لهدم الكشك)  
" يتغير الديكور الى مبنى التلفزيون من الخلف باب التلفزيون  
الخارجى .. تقف صفيه محمود المزيحه وامامها كاميرا وتمسك ميكرفون"  
صفيه : عزيزى المشاهد نحن الان فى برنامج من غير مناسبه والكاميرا فى  
الشارع على باب التلفزيون . ممكن نلتقى باى حد دلوقت من الفنانين  
المعروفين ونسأله رايح فين واخباره ايه ؟



كوكى : (الراقصه تمر بسرعه) صباح الخير .  
صفيه : مدام كوكى .. مدام كوكى الفنانة المعروفه .  
كوكى : صباح الخير .. ازيك يا حبيبتي برنامجك كان جميل القهوه الشيبه مش  
كده ؟  
صفيه : لا القهوه الشيبه مش بتاعى .  
كوكى : يقطعنى قصدى نادى السينما .  
صفيه : مش بتاعى برضه .  
كوكى : يقطعنى .. كنت فاكراه هو .. مملش اصلى فتحت كازينو جديد فى  
شارع الهرم .. وجايه ادعى زملائنا الفنانين وطبعا انت مدعوه .  
صفيه : كده حبيقتى اعلان يامدام كوكى .  
كوكى : انتى ليه عملتيه اعلان يا حبيبتي .. انتى ياسهير دايمها كده .  
صفيه : انا مش سهير .  
كوكى : تبقى عفاف مش كده يقطعنى .  
صفيه : مش عفاف برضه .. انا صفيه محمود .  
كوكى : يقطعنى .. صفيه محمود مطلوبه اخت على محمود .  
صفيه : على محمود مين .  
كوكى : على محمود الملحن .. وعلى محمود المطار وعلى محمود الممثل يا  
شيخه بضحك معاكى .. يقطعنى .  
(يظهر من الخلف فاضل وفاطمه وهما يتجهان الى موظف استعلامات)  
الموظف : نعم يااستاذ .  
فاضل : انت بتشتغل فى الحكومه .  
الموظف : ايوه .  
فاضل : اول واحد فى الحكومه يقولى يااستاذ .. انت مش من هنا .  
الموظف : نعم تحت امرك .. خلصنى .  
فاضل : قوليله يافاطمه .  
فاطمه : دا البطل فاضل عبد السميع .. جاى يقابل الست صفيه محمود المذيحه .  
الموظف : الست صفيه محمود المذيحه .



فاطمه : ايوه ياخويا ربنا ما يوقف لك مصلحه عند الحكومة .  
فاضل : ويعلى مراتك فى الحكومه وتبقى كبير قوى .  
الموظف : ممالك تصريح .  
فاضل : تصريح ايه انا بطل .. بص (يخرج الوسام) .  
الموظف : بقولك احنا استعلامات مش مكتب شكاوى .  
فاضل : بقولك ايه اوعك تظلم بكلمه كده والا كده وانت عاملى شبات زى ابو الهول .  
فاطمه : هو ابو الهول له شنب .  
فاضل : حلقه من اللى شافه .. انا لازم اشوفها يعنى لازم اشوف الست صفيه .  
الموظف : امردوه بره .  
(يأتى رجلان من الامن ويقذفانه خارج المكان)  
فاضل : اوعم سيبوني .. سيبوني (يتقدم الرجلان حتى يصطادما بالست صفيه وكوكى) .  
فاطمه : (تجدها) الحقيتنا ياست صفيه .  
صفيه : ايه انتم مين ؟  
فاضل : انا ابن الشرعيه الدوليه والنظام العالمى الجديد .. فاضل بوش فاضل عبد السميع سابقا .  
فاطمه : احنا اللى كنا فى المستشفى مش انتى قلت لى يا فاطمه يامرات البطل .  
فاضل : فاكهه الوسام ايه (يقدم الوسام) .  
فاطمه : والجرنال ايه (تقدم الجريده) .  
صفيه : اوقف التصوير يا مصطفى .  
المصور : حاضر .  
كوكى : (تذهب للمصور) شكلى حلو يامصطفى .  
المصور : قوى ياست كوكى .  
فاضل : اتبهدلنا ياست صفيه .  
فاطمه : كسروا الكشك بتاعنا ياست صفيه .  
كوكى : يااحرام .. انتى تعرفى الناس الطيبين دول ياسوسو .



صفيه : دا بطل حرب التحرير .  
كوكى : مراته حلوه قوى .. لفي ياشابه علشان اشوف قوامك .  
فاطمه : مالك يا ست هانم .. انتى بتخطفى الستات .  
كوكى : فشر .. حلوه تجنن .. ماشفتنيش فى السينما .. انا كوكى كوكى  
الراقصه بتاعت السينما والمسرح .. دا جوزك ؟  
فاطمه : دا جوزى .  
فاضل : الف انا ياست هانم يمكن اشتغل راقصه .  
كوكى : انت كنت فى حرب التحرير .  
فاضل : ايوه .. انا اللي كنت بدخل مع الفدائيين اهرب السلاح للمقاومه .  
كوكى : مش معقول .  
صفيه : صور الكلام دا يا مصطفى .. قوله تانى يافاضل .  
فاضل : تانى وتالت علشان اللي ماسممش يسمع .. انا اللي كنت بدخل مع  
الفدائيين اهرب السلاح للمقاومه .  
كوكى : (ترقص) وانا وانا الواد الجن اللي لايهدى ولايون طالع اذن نازل اون  
(يتحرك الديكور الى مشهد كازينو كوكى بوكى .. وكشك سجائر امام  
الكازينو .. ) (الزمان ليل) .  
فاطمه : (تقف فاطمه امام الكشك وتغنى اغنيه) .  
كوكى : (قادمه وهى تدخل) مساء الخير .  
فاطمه : مساء النور .  
كوكى : بنت يا فاطمه مش حتملى بقى وتيجى تشتغلى معانا .  
فاطمه : ياست كوكى انا لايهم فى الرقص ولا فى الحاجات دى .  
كوكى : على كيفك يا حبيبتي .. يطملىنى لو قلت لك تعالى اشتغلى معايا تانى .  
فاطمه : ياست كوكى ربنا يخليكى عملتنا كشك ولا بييجى لنا عسكري ولا  
ضابط واللى بييجى ييمشى على طول حقهم ينتخبوكى والنبي وزيره للغلابه  
اللى زيننا .  
كوكى : فاضل فين ؟  
فاطمه : فاضل راح يجيب شويه بخور علشان يبخر لك المحل ويبخر الدكان .



كوكى : ربنا يخليه .. عن اذنك يا حبيبتى (تدخل) .  
 بدر : (يدخل شاب عربى فى العشرينات يرتدى فائه عليها صورة بوش  
 والعلم الامريكى وطاقيه وهو فى حاله سكر) .  
 بدر : عندك سجائر ؟  
 فاطمه : عندى كليوباترا .  
 بدر : سجائر اجنبيه .  
 فاطمه : لا والتبى ياخويا .  
 بدر : (يلاحظ جمالها) انت بتعرفى تطبخى كويس .  
 فاطمه : ايوه ياخويا .  
 بدر : تعرفى ترتبين البيت عدل .  
 فاطمه : ارتب عشر بيوت بتسال السؤالات دى ليه .  
 بدر : عدل .. عدل .. انا ابيك تيجين عندى فى البيت كل يوم المصبح للضره .  
 فاطمه : مش فاهمه .  
 بدر : مش فاهمه ايه .. انا اذيك ٥٥ خمسمائه جنيه فى الشهر يلا ..  
 فاطمه : مش فاهمه ياخويا تدينى ٥٥ جنيه فى الشهر ليه ؟  
 بدر : انتى حتجيبى البيت تنضيفين لى وتخدمينى .  
 فاطمه : التنوان غلط ياخويا .. انا فاطمه فاطمه مرات البطل فاضل ... شايف  
 الوسام دا .  
 بدر : شايفه .  
 فاطمه : دا خده فاضل لما كان عندكم فى حرب التحرير .  
 بدر : فاضل مين ؟  
 فاطمه : فاضل جوزى .  
 بدر : انتى متجوزه ؟  
 فاطمه : ايوه ياخويا بقولك فاضل كان عندكم .. انت منين ياخويا ؟  
 بدر : انا من البلاد المحرره .  
 فاطمه : يالهلا وسهلا .  
 بدر : اهلا فيك .



فاطمه : مش جوزى فاضل كان هناك ؟  
 بدر : وانا كنت هنا (يضحك).  
 فاضل : (يدخل) ايه دا واقفه تضحكى مع راجل غريب ياللمار .  
 بدر : انا مش غريب .  
 فاطمه : دا من البلاد المحرره .  
 فاضل : انت من البلاد المحرره .. كداب انا ماشفتكش هناك .  
 بدر : الجواز ايه .  
 فاضل : غريبه .. ما هو انا كنت هناك .. انت كنت فين ؟  
 بدر : انا كنت هنا .. بابكى بدل الدموع دم .  
 كوكى : (تخرج) يا فاضل يا فاضل .  
 فاضل : ايوه .  
 كوكى : ازيك يا بدر .  
 بدر : ايشلونك ياست كوكى .  
 فاضل : انتى تترقى بدر .  
 كوكى : ما هو مزروع هنا بقاله سنين .  
 فاضل : هنا فين ؟  
 كوكى : هنا فى البار .  
 فاضل : اخس عليك وتقولى بابكى واسمك من البلاد المحرره وانا هناك .  
 بدر : انت حتدينى محاضره انت هنا وانا هناك .. وانا هناك وانت هنا .  
 كوكى : ادخل يا بدر .  
 بدر : انا عايز البنت دى تيجى تنضف لى وتطبخ لى .  
 كوكى : دى يا حبيبى مرات فاضل .. ادخل .. ادخل (تدفعه للدخول فى الكباريه)  
 اسمع يا فاضل .  
 فاضل : نعم عايزانى انا كمان انضف لك واغسل لك .  
 كوكى : لا عايزاك تخطف رجلك لحد الموسيقى العنوان دا تجيب لى بتاع الطبله  
 من قفاه .  
 فاضل : هناك كنت اروح اودى سلاح واسلم اوامر وخطط وهنا انده ممليلتى .



كوكى : يا حبيبي هناك كان حرب وخلفت فوق بقي وعلى كل حال انا غلطانة  
يقتلني لو طلبت منك حاجه ثانيه .

شخص ٢ : (الطبال) مساء الخير يا ست الكل اتاخرت عليكى ؟

كوكى : اتاخرت وبس مش قلت لك دخل تليفون فورى .. يقتلني انى بشتلكم .

شخص ٢ : مقدم عليه من تلت سنين يا ست .

كوكى : طيب ادخل .. ادخل (يدخل الكباريه) .

فاطمه : انا مش عارفه ليه دايما انت بتكلمها كده .

فاضل : مهو مش اخر المئتمه تبقى انتى رقاصه وانا ابقي بقرنين ولا تور  
للهانم .. صحيح هى الحكومه ما تقدرش تتكلم معاها لان معاها اسلحه  
جامده شبات كبيره فى الوزاره فى جيبها اليمين وملابس حساسه فى  
جيبها الشمال لكبار رجال الاعمال متمكنه .. يقتلني .

جورج : (جندى اسمر يدخل بملايس كاوبوى) هاللو .

فاضل : وعليكم السلام ورحمه الله وبركاته .. يا اهلا وسهلا .

جورج : عندك كبريت ؟ you have matche?

فاضل : الصوت دا مش غريب والكلمه دى مش غريبه .

جورج : عندك كبريت ؟

فاضل : عندك يا ولد الفرطوس (يتذكره) .

جورج : (يتذكره) فاضل جورج بوش .

فاضل : جورج عبد السميع جيت امتى من امريكا .

جورج : من اسبوعين ورجت ازورك فى الفلاحين .

فاضل : شفت العمده .

جورج : العمده قال عليك مت .

فاضل : اهو العمده ده الى خد حقى .

فاضل : ازيك يا جورج سمبو .

جورج : الله يسلمك ازيك انت .

فاضل : فاكر ياسمبو .



(يدور الكشك ويتحول إلى خندق وأضواء الكباريه كأنها أضواء المعارك على المسرح .. كل منهما يجلس)

جورج : (يجلس يعد أوراق دولاريه) سفتى .. إيتى .. نايتى .

فاضل : فلوس إيه دى ياسمبو .

جورج : دى فلوس بتاعتى .. مرتبى .

فاضل : إنت بتاخد كام ياسمبو ؟

جورج : ألف ومتين دولار فى الشهر وإنت بتاخد كام .

فاضل : متين جنيه قصدى ألف ومتين .. متين .. قصدى ألف ... بأقولك إيه إيه رأيك تقبض إنت مرتبى شهر وأنا أقبض مرتبك شهر .

جورج : حلوه دى مش ممكن .

فاضل : ليه ياسمبو ؟

جورج : أنا مع جورج بوش .

فاضل : وأنا إسمى فاضل بوش بس هناك فى مصر .. حلوه دى .

جورج : إنت جوارك موسى زى بتاعى .

فاضل : خذ جوارى وإيدنى جوارك أقبض بيه .

جورج : إحنا دول صديقه .

فاضل : وإحنا دول شقيقه .. الشقيقه أقل ليه ..إسمع إنت تبقى دول شقيقه وأنا أبقى دول صديقه وأخد زيك .

جورج : موسى ممكن .

(تخرج بنات جميلات تمر من جوار المعسكر تحمل السلاح)

جورج : دول مجندات ليزا وبزا وروزا قوات مساعده مسلحه .

فاضل : دول قوات مساعده - مسلحه .. والله أنا نفسى واحده من دول تساعدنى .. إذاساعدتنى مره خنسوى الهوايل .

جورج : حلو قوى إحنا أصحاب .

فاضل : إحنا كده حلويين قوى يا جورج من ٣٣ دوله .

جورج : إحنا كلنا ولاد الشرعيه الدوليه والنظام العالمى الجديد .

فاضل : تعرف يا جورج سمبو أنا نفسى فى إيه نفسى كلنا كده ولاد الشرعيه



الدوليه والنظام العالمى الجديد نحرر البلد دى ونطلع منها كلنا برابطة  
المعلم نحرر القدس ياسلام ياسلام .  
(يدور الخندق ويتحول إلى ما كان عليه .. كشك والكباريه )  
فاضل : فاكىر ياسمبو لما كان يدولك ستة قرايز ميه صحه كل يوم تشرب  
وتستحمه وأنا يدونى قززين فى اليوم .. كنت جدع بتدينى اربع قرايز  
من بتوعك .. فاكىر ياسمبو .  
جورج : انا جاى اتفرج على الرقص البلدى .  
فاضل : خش ياسمبو خش .. (يدخل سمبو الكباريه)  
(يظهر سالم ..شاب من البلد المحرره)  
سالم : عندك بارد .  
فاضل : عندى بيبسى وسفن وكوكا كولا .. وكل حاجه .  
سالم : سفن أب .  
فاضل : مين سالم .  
سالم : مين فاضل .. ايشلونك يالقاطع .. سالت عنك ونيك فيك بعدما ما  
إتصابت .  
فاضل : يافاطمه يافاطمه .. البنت فاطمه فين .  
فاطمه : (تجرى قادمه من داخل الكباريه) ايوه يافاضل .  
فاضل : بتعملى إيه عندك يابنت .  
فاطمه : بتفرج ياخويا على الناس اللى بترمى الفلوس تحت رجلين الست كوكى  
فاضل : دا سالم .. سالم كان هناك فى البلد المحرره كنت بوصله السلاح  
والرسائل .  
فاطمه : سالم اخو بدر .  
فاضل : بدر اخوه صحيح بس اخ عن اخ يختلف .  
فاطمه : إزيك .  
سالم : ايشلونك انت .. ايش مسويين .. وایش سویت لما رجعت .  
فاضل : لهى وسام اخذته من الرئيس وصورتى معاه لهى .  
سالم : عال .. عال مشاء الله الحين انت ميسوط .



|       |   |
|-------|---|
| فاضل  | : الحمد لله .   |
| سالم  | : وليش ما جيت تزورنا وتهنينا .  |
| فاضل  | : رحت السفاره قالولى إنت مين .. معاك كرت زياره .. معاك عدم ممانه معاك عقد عمل .. مين وجه لك دعوه .. يهدلونى ياسالم ياأخويا .  |
| سالم  | : حقت على ما يدرون .. إزاي انت لازم يكرموك إنت جيت لنا سلاح وأول واحد خش البلد وإنصاب .   |
| فاضل  | : والواد سببو ابن اللثيمه أقوله خش معايعه يقولى لا خش إنت .. المصريين الاول الاشقاء .. كل دا علشان الالفام تيجى فيا وهو سليم .. ما هو صديق مش شقيق .  |
| سالم  | : انا لازم اشوف مشكلتك لازم السفاره تعمل الواجب معاك البلد كلها .. إنت ولد الديره ..مايكون عندك أى زعل .. بكره الصبح السفاره كلها مستنياك وأنا ح امر عليك اخذك إنت والاخت فاطمه مشكورين فى السفاره .. عن إذتك .. إلى اللقاء ..... الساعه ٧ بكره بعد الظهر . |
| فاضل  | : الله إنت مش جاي تسهر مع بدر .   |
| فاضل  | : انا مش بتاع السوالف دى يا فاضل .  |
| فاضل  | : الله يعطيك المافيه .  |
| فاطمه | : فاضل .  |
| فاضل  | : فاطمه .. الدنيا إبتسمت لنا حيقدرولى يا فاطمه .  |
| فاطمه | : وحتسافر هناك .  |
| فاضل  | : وحيدونى عقد عمل .   |
| فاطمه | : وحيتقلو بيبك .  |
| فاضل  | : انا ح أقولهم انا مش مسافر .   |
| فاطمه | : لايا أخويا نساقر لنا كام شهر ونرجع .  |
| فاضل  | : إفرضى يا فاطمه قالولى تطلب إيه .. نعوضك بيه عن اللى ضاع منك وعن إصابتك .  |
| فاطمه | : اطلب شقه .  |
| فاضل  | : ودكان .   |



فاطمه : وعريه .  
 فاضل : عاش فاضل بوش .  
 (يتحول الديكور إلى مبنى السفارة)  
 الزمان : ٧ مساء .  
 المكان : السفارة .  
 (صورة كبيرة لفاضل معلقه في صدر قاعة السفارة .. القاعة مجهزه للاحتفال بفاضل .. ميكروفون .. منصه .. زهور تكريم البطل العربى المصرى فاضل عيد السميع .. وتحتها كتب نفس العباره باللفه الانجليزيه ) (الخدم تروح وتيجي .. مدعون .. سفراء .. رجال صحافه ..)  
 السفير : وين فاضل .  
 بدر : زمانه جاى الحين .  
 السفير : وين سالم ؟  
 بدر : معاه .  
 السفير : وين مستر جورج .  
 بدر : هما الثلاثه فى سياره واحده .  
 (صوت سياره وثرامل شديده .. وضوضاء)  
 فاضل : (خارج المسرح) قلبى بيدق يا فاطمه .  
 فاطمه : ربنا معاك يا فاضل .  
 فاضل : يلا يا فاطمه ندخل .  
 فاطمه : لا يا فاضل .. انا مش داخله .. انا خايفه .  
 فاضل : يا بنت ما تخافيش .. دا إنت حتشوفى حاجات ولافى السيما .  
 فاطمه : لا يا اخويا خش إنت .. ولنا ح استناك هنا .  
 سالم : خلاص خليها يا فاضل تتركها فى السياره .  
 جورج : يلا يا فاضل تايم ايز اب .  
 فاضل : لو كيه .. يلا .  
 سالم : (يدخل على المسرح) وصل البطل المصرى الكبير فاضل  
 (تصفيق حاد .. يظهر أطفال وكبار يلوحون بالاعلام .. ويهتفون)



المجموعه : ملاربتاخ .. ملاربتاخ .. ملاربتاخ .. ملوخ .  
 (ثم يصفقون صفقه تقليديه)  
 المجموعه : ملاربتاخ .. ملاربتاخ .. ملوخ .  
 جورج سمبو : (يدخل) انتفضل يا فاضل .  
 فاضل : (يدخل في دهشه) السلام عليكم ورحمه الله وبركاته .  
 (تتقدم طلفتان تحملان الزهور ويقدمان الورد الى فاضل)  
 المجموعه : (تهتف) ملاربتاخ .. ملاربتاخ .. ملوخ .  
 فاضل : هو بطرس غالى جاى والا ايه ؟  
 السفير : لا .  
 فاضل : هو الرئيس جاى تانى .. فرصه اقابله واقوله .  
 السفير : لا .  
 فاضل : يبقى جوربى جاى .  
 السفير : ولاجوربى .. جوربى اتشال .  
 فاضل : امال الاحتفال دا علشان مين ؟  
 السفير : علشانك .. بمى دى صورتك .. بمى دا اسمك .  
 فاضل : الله اكبر .. الله اكبر زغرتى يالاه .. يا جماعة مش معقول .. دا انا فى  
 حلم والا فى علم ؟  
 بدر : لانت فى علم مش حلم .. انت بطل .  
 فاضل : فين بقى الراجل اللى بيزعق .  
 بدر : راجل مين ؟  
 فاضل : الراجل اللى ماسك سيف وييمشى دا واحد اتنين ويشخط فى الرؤساء  
 والملوك انا عايز ه يچى يشخط لى هنا شويه .  
 سالم : يا فاضل .. مش وقت الهزار الحين .  
 موظف السفاره : بسم السفاره نرحب بك (موظف مصرى ضخم الجسم) .  
 فاضل : هو انت .  
 موظف السفاره : انا ايه .  
 فاضل : اللى كنت بتطردنى .. صح ولا غلط ؟



موظف السفاره : مش فاكتر (يتحدث بطريقه الانسان الآلى) .  
 فاضل : سيبنى عليه (يطلع فاضل الجاكت) .  
 (يمتنعه بدر وسالم و السفير)  
 سالم : عيب كده .. دا فراش فى السفاره .  
 فاضل : امال كان عامل نفسه فلوطة .  
 بدر : يعنى ايه فلوطة ؟  
 فاضل : واد قمع .  
 بدر : يعنى ايه ؟  
 سالم : يعنى شاييل خاشمه فى السما .  
 فاضل : ايوه شاييل البتاع دا فى السما .  
 جرسون : (يحمل المشروبات) اتفضل .. (يقدم له صنيه عليها عده اكواب) .  
 فاضل : كل دا .. ايه دا ؟  
 جرسون : عصير طماطم - عصير تفاح .. عصير برتقال - جريب فروت . سفن  
 اب كوكاكولا .. تيم .. ميرندا .  
 فاضل : انا عايز سندوتش لحمه وكفته .  
 الجرسون : دم سعادتك خفيف .  
 فاضل : انت هنا بتشتغل فى السفاره ؟  
 الجرسون : ايوه ،  
 فاضل : وشاييل خاشمك فى السما زى الجدع دا .  
 الجرسون : لا .  
 بدر : (يمسك الميكرفون) بسم الله الرحمن الرحيم .. ايها الاصدقاء ايها  
 الاحياء نحن جئنا الى هنا الليله لتكريم بطل من ابطال حرب التحرير ..  
 البطل فاضل عبد السميع .  
 (يصفقون بحرارة)  
 فاضل : متشكر متشكر .  
 بدر : والان مع كلمه الاخ سالم من المقاومه يحدثنا عن دور البطل فاضل عبد  
 السميع .



فاضل : فين الشاكوش ؟  
بدر : شاكوش ايه ؟  
فاضل : مش كل واحد يتكلم .. تضرب له بالشاكوش زى مجلس الشعب والامم  
المتحده .. ومجلس الامن .. الاهما ليه بييمسكوا شواكيش .  
سالم : بسم الله الرحمن الرحيم .. سعادته السفير .. اصحاب المعالي الساده  
السفراء والوزراء نحن اجتمعنا اليوم لتكريم البطل فاضل عبد السميع .  
المجموعه : (مجموعه من المشيعين) فاضل فاضل يحيا فاضل .  
فاضل : يعيش فاضل يعيش فاضل .  
المجموعه : يعيش فاضل يعيش فاضل .  
فاضل : بالروح والدم نفديك يا فاضل .  
المجموعه : بالروح والدم نفديك يا فاضل .  
فاضل : يسقط يسقط يسقط .  
المجموعه : يسقط يسقط يسقط .  
فاضل : يحيا .. يحيا .. يحيا .  
المجموعه : يحيا .. يحيا .. يحيا .  
فاضل : (للمجموعه) انتو مالكوش شخصيه ولا ايه .. اقول يسقط تقولوا  
يسقط اقول يحيا تقولوا يحيا .  
سالم : وائنا اذ نكرم هذا البطل الكبير .  
فاضل : نعم هذا البطل الكبير .. سعد .. سعد .. يحيا سعد باشا زغلول .  
المجموعه : سعد ياباشا زغلول .  
فاضل : يحيا يحيى مصطفى كامل .  
المجموعه : يحيا يحيى مصطفى كامل .  
فاضل : نار .. نار يااستعمار .  
المجموعه : نار .. نار يااستعمار .  
فاضل : نار .. نار .. نار والاسرار طلعه فى النار .  
المجموعه : تسكت .  
فاضل : هو انا اتكلمت فى السياسه و الا لبخت والارقاب حتيجي



وتمنعه المسرحيه .. والا حاجه .

سالم : هذا البطل فاضل عبد السميع الذى كان يهرب لنا السلاح فى داخل البلد (يخطب وصوته غير مسموع فى الخلفيه) .

فاضل : (ينظر لسفير بجواره) مش انتوا بتهربوا سلاح برضه .. انا اعجيك بهرب سلاح بس بالدولار .

سالم : (يرتفع صوته) وكان يحمل رسائل وتعليمات الى المقاومه مع اليدو .

فاضل : اى نم هذا هو بن عكرمه نسل صلاح الدين وطومان ... هذا هو فاضل الذى تضربه الحكومه كل يوم عند كشكه ولايتل آى .. آى .

سالم : وضى بروجه مرات عديده فى سبيل القضيه العادله .

(يصقون بشده) (فاضل ينظر لرجل)

فاضل : انت انجليزى صح ؟

الصحفى : ايوه .

فاضل : وبتتكلم انجليزى صح ؟

الصحفى : ايوه وعربى كمان .

فاضل : وبتشتغل ايه ؟

الصحفى : صحفى .

فاضل : انجليزى برضه ؟

الصحفى : مراسل لجريده بيسى بيسى انت صديقى .

فاضل : وقاعد فى كشك برضه .. قصدى ساكن فىين ؟

الصحفى : فى المريديان .

فاضل : بيتاكل .

الصحفى : هو اللى بيتاكل دا فندق .

فاضل : مائتا عارف .

سالم : واننا اليوم نكرم هذا البطل المغوار على ما قدمه للأوطان ولانتسى انه فى اول يوم من ايام التحرير كان فاضل عبد السميع اول جندى يدخل البلاد المحرره مع زملائه واستشهد اقدمهم واميب هو فى قدمه .

فاضل : (يصرخ ويهيك) آه يامحمود .. آه يامحمود ما تفكرونيش بيه .



|        |   |
|--------|---|
| بدر    | : محمود مين ؟   |
| فاضل   | : الواد اللي مات .. مات وعليه خمسه دولار وعليتين سجائر اجنبى ليا .                  |
| بدر    | : خلاص خلاص .   |
| سالم   | : (يتحدث لانسمع صوته وهو يتحدث) .   |
| فاضل   | : (يتحدث مع رجل بجواره) انت بتشتغل سفير ؟   |
| الرجل  | : لا .. وزير سابق فى الخارجيه ومعايا دكتوراه فى العلاقات الدوليه فى القرن العشرين . |
| فاضل   | : ياسلام .. ياسلام الا قولى هو العالم ملخبط كده ليه .. ناس بتضرب                    |
|        | ناس وناس بتدبح ناس .  |
| الرجل  | : دا قانون الصراع .   |
| فاضل   | : وانت بتشتغل ايه دلوقت .   |
| الرجل  | : تاجر سلاح .   |
| فاضل   | : ماشاء الله .. ماشاء الله .. آه يالتمج جاى وقاعد تشوف مين واقع مع                  |
|        | مين وتبيع لدا وتبيع لدا .. اه منك .   |
| الرجل  | : ظريف ظريف .   |
| فاضل   | : يسقط يسقط تجار السلاح (لا احد يرد) هو انا اتكلمت تانى فى السياسه                  |
|        | .. وانا مالى .  |
| سالم   | : هذا هو فاضل عبد السميع الذى كان يسير وسط النيران ورفع علم                         |
|        | مصر الجيبه فوق سفارتها واصيب من اجل قضيه عادله .                                    |
| الحضور | : (يصفقون) .  |
| الكورس | : (يصفقون بحراره ويرشون زهور الورد الورق) .   |
| بدر    | : والان الكلمه للسرجنت جورج سمبو الامريكى الجنسيه صديق لنا .                        |
| جورج   | : سيداتى وانساتى .. فى الحقيقه انا سعيد جدا (يضحك)                                  |
|        | (يصفقون الجميع) .   |
| فاضل   | : الامريكان دمهم خفيف جدا .   |
| جورج   | : فاضل دا صديقى .   |
| فاضل   | : (يهتف) سمبو سمبو انت صديقى .  |



المجموعه : (يصفقون) .  
جورج : فاضل كان قدانى تمام .  
المجموعه : (بدهشه) ياه .  
جورج : يبتناه بالسلاح يهربه داخل البلاد للمقاومه ود السلاح ورجع لنا سليم وحى .  
المجموعه : يا سلام .  
جورج : يبتناه بالرسائل وراح وداها ورجع لنا سليم وحى (يضحك)  
(يضحكون .. يتحدث لا نسمعه) .  
فاضل : (لرجل بجواره) دا معاه دولارات كتير سمبوا دا .. انت معاك دولارات .  
الرجل : معايا فرك فرنساوى .  
فاضل : دا فرنساوى ؟  
الرجل : ايوه .  
فاضل : تيجى تلعب انا وانت ملسه .. انت بالفرك وانا بالجنيه المصرى .  
الرجل : ايوه .  
بدر : يافاضل .. انتبه الراجل بيتكلم علشانك .  
فاضل : انا شبتت كلام .. عايزين ندخل على المهم .  
جورج : فاضل دا دخل وسط الافام .  
المجموعه : اوه .. مش معقول .  
جورج : (يضحك) سليم وحى .  
المجموعه : يرافو .. يرافو .  
جورج : فاضل دا .. رمز للقطه الفرعونييه القديمه ام سبع ترواح .. (يضحك) .  
صحفى مصرى : وقد اشاد اللواء الامريكى بقدره فاضل وقال انه رمز للجندى العظيم .  
جورج : فاضل دا ابن مصر .. مصر ابو الهول .. مصر النيل والمراكب والجمال .  
جورج : والبقر والجاموس .. والمعابد فى الأقصر .. حيوا فاضل (يصفقون) .  
الكورس : طربطاخ .. طربتيخ .. طوخ (يهتفون) .  
بدر : والآن كلمه البطل المتوار فاضل عبد السميع (يصفقون) (يدفع بدر وسالم فاضل على المنصه) .



|        |  |
|--------|--|
| فاضل   | : (يقف فاضل امام الميكرفون) الو .. الو .. واحد .. اثنين .. ثلاثة ..    |
|        | اربعة .. عشرة .. الو .. الو .. ميكرفونات الحاج محمود مستعد لإقامة      |
|        | الحفلات والمناسبات ت ١٣٥٢٢٣٧ - الحاج فراشه وكهربه ولوازمه .. الو الو . |
| بدر    | : إنت بتعمل إيه يافاضل ؟   |
| فاضل   | : بأجرب الميكرفون .  |
| بدر    | : طيب يالا إتكلم .   |
| فاضل   | : موسى نبى .. عيسى نبى .. محمد نبى وكل من له نبى يصلى عليه ..          |
|        | بص شوف .. لنا معايا خمسة جنيه وانتهم معاكم دولارات .. فرنكات ..        |
|        | إسترليني .. كويتي .. عمانى .. ين يبانى .. ماركات .. إحنا حنلعب         |
|        | ياحضرات كل واحد بميلته .. الظهر معايا ايه .                            |
| بدر    | : إنت بتعمل إيه يافاضل ؟   |
| فاضل   | : بهزر أصلى شافهم كلهم متنشيين ولايسين بدل غاليه .                     |
| بدر    | : خليتنا فى الجد والإحتفال بيك .                                       |
| فاضل   | : بصراحه (بجديه شديده) انا فرحان قوى إبنى معاكم دعانى الاخ بدر         |
|        | زعلت قوى قوى منه لانه كان قاعد فى مكان .                               |
| بدر    | : (مقاطعا) إتكلم عن سالم يافاضل .. سالم .                              |
| فاضل   | : سالم دا شجاع .. سالم دا معايا جوه وبره .. لما جانى وقالى السفارة     |
|        | حتحتفل بك فرحت قوى وجيت ..   |
|        | (يدخل الصحفي محروس شعللها يقابل السفير)                                |
| الكورس | : طاربتاخ .. طاربتينج ..طلوخ .   |
| فاضل   | : (على الميكرفون) محروس شعللها ممنوع دخوله هنا .                       |
| محروس  | : إيه دا .. فيه إيه ياحضرة السفير .. مين إالى ماسك الميكرفون دا .      |
| فاضل   | : انا .. إنت جاي ليه ؟   |
| محروس  | : انا مش جاي اتهان ياسعادة السفير .. انا جاي حفل تكريم بطل .           |
| السفير | : الطاهر ان فيه سوء تفاهم بين الأستاذ محروس والأستاذ فاضل .            |
| محروس  | : انا ماعرفش الاشكال دى .  |
| فاضل   | : وأنا اعرف الاشكال دى .   |



محروس : إنت مين ؟  
السفير : دا الپطل فاضل .  
محروس : دا (يدهشه) .  
فاضل : أيوه دا .  
محروس : لانا بحسب إنكم بتكرموا اللوات .  
فاضل : إحترم نفسك يامحروس شعلها .  
السفير : ياسالم .  
سالم : (يجذب فاضل بعيدا) مقول إيه إلی بتعمله دا .  
فاضل : الراجل دا هو إلی هد الكشك بتاعى .  
سالم : مالكش دعوه بيه .. إطلع على المنصه واخطب .  
فاضل : بس .  
سالم : مابسش .. يالا .  
(يصعد على المنصه)  
محروس : إسمح لى ياسعادة السفير لانا ح انسحب وح اكتب دا بكره فى العمود بتاعى .  
السفير : لا .. لا دا سوء تفاهم بين اخوه مصريين .. كلهم ضيوف السفارة  
بدر : يالا ياستاذ فاضل .  
فاضل : (يمسك الميكرفون) واحد .. تتين .. تلاته .. اربعه .. عشرة .. آلو ..  
آلو .. محلات الحاج شعلها .  
محروس : دى إمانه .  
فاضل : هو مافيش غيرك إلی اسمه شعلها مالك إنت .. هو إكمن عندك عمود  
عمال تشتم الناس فيه .. وانا ماعنديش عمود .. عاملنا إرهاب ولا إيه ..  
كل واحد يطلع عموده يارجاله .. قلم باركر ولا جاف حتى .  
بدر : يالاستاذ فاضل إتفضل .  
(يدخل شخص هام يقفوا له جميعا ويصقفون له)  
فاضل : مين دا ؟  
سالم : (هامسا) دا مندوب الأمم المتحده .  
فاضل : من عند بطرس غالى .. ياسلام مانساش بطرس غالى إلی بيينا فين لما



كنا قد كده عيال صغيرين بتلعب فى الحاره .  
 سالم : لم الدور .  
 فاضل : لميته .  
 (يدخل العمده مع ضوضاء عمارة السفارة)  
 السفير : فيه ايه ؟  
 العمده : انا العمده صاحب البطل فاضل عبد السميع جاى ابارك وامنيه لما قرئت  
 عن الحفله فى الجريده .. ايزيك يافاضل .  
 فاضل : (العمده يحتضن فاضل) جاى عايز ايه ؟  
 العمده : عايزك تتوسط للواد ابنى يسافر بعقد عمل فى شركة بترول يافاضل  
 (هامسا) دا بنى واخوك .  
 فاضل : وارضى .  
 العمده : ارضك فى الحفظ والصون .. حتى والله لما طلبنى رئيس مجلس المدينة  
 وقالى انك بعت جواب لرئيس مجلس الأمن تطلب منه مساعده عشر تلاف  
 دولار علشان تتماالج .  
 فاضل : هو مجلس الأمن رد ؟  
 العمده : ايوه .  
 فاضل : بعت الفلوس .  
 العمده : للأسف قال يحنن .  
 فاضل : قال يحنن إزاي .. فين مندوب الأمم المتحده ؟  
 المندوب : ايوه .  
 فاضل : انا بعت جواب لمجلس الأمن اطلب منه مساعده عشر تلاف دولار .  
 المندوب : ايوه صحيح وإحنا بعطنا عشر تلاف دولار للمحافظ علشان يسلمها لك .  
 فاضل : إزاي دا العمده ايه بيتقول يحنن .  
 العمده : اصل ياسعادة البيه .  
 فاضل : اصل ايه .. إنطق قين العشر تلاف دولار فين ؟  
 العمده : اصل البيه المحافظ قال لسكرتير المحافظه خد خمس تلاف دولار  
 سلمهم للمأمور يدهموا لك والمأمور سلم القين ونص دولار يدهموا لك



ورئيس مجلس المدينة سلمنى ١٢٥٠ ألف متين وخمسين دولار علشان  
ادمولك وأنا عطيت شيخ الخفر والناس إلى معايا وقولت لك يحن .

فاضل : ياناس .. ياناس .

الرجل الأصلع : ماتيكيش يالبنى شعوب كثيره بتبكي .

فاضل : إنت مين ؟

الرجل الأصلع : أنا من الدوله العظمى المتككه .

فاضل : يحن مامعيش أنا عارف انكم بتبيعوا القنبلة الذرية بشوال رز بس

اعمل إيه أنا صحيح عايز قنبلة ذرية لكن ماعديش شوال رز ادمولك .

السفير : وعايز القنبلة الذرية ليه يافاضل ؟

فاضل : علشان انتحر بيها وأبقى متأكد انى مت .

سالم : جرى إيه يافاضل كل الدول الصديقة والشقيقة بتحتفل بيك وإنت

حتعملها ليه محزنه ؟

جورج : يالا يافاضل .

السفير : بصراحه ياجماعه إحنا طولنا عليكم .. والآن يسعدنى ان اتقدم باسم  
السفارة .

(المصورون والصحفيون يصورون الحفل)

صحفى : هل من الممكن ان نقيم حوار مع الشاب البطل .

محروس : (للصحفى الشاب) دا حته ولد لاراج ولاجه .. حتمعللوا قيمه .

فاضل : ساممك يا شعلها..ساممك بتشعلها .

محروس : لا دى هزأت .

السفير : ياجماعة الخير .

فاطمه : (تدخل وتعمل ضوضاء) فاضل يافاضل مالك ياخويا فيه إيه ..إتاخرت ليه ؟

السفير : يلا يا جماعه .. الحين يابدر الحين .. كلمة السفارة خلى الحفل يمدى

على خير .

بدر : والآن كلمة معالى السفير لتكريم البطل فاضل .

(يصفق الجميع)

(المسرح كله فى موسيقى حاله .. ثلاث بقع ضوء على فاطمه .. فاضل



|   |        |
|---|--------|
| .. السفير .. صوت المجاميع فى الخلفية كأنه موسيقى حاله .. مع حركه أشبه فى موكب آخر حالم ٠                              |        |
| : بإسم الدوله المحررة .   | السفير |
| : نفسك فى إيه يافاطمه ؟   | فاضل   |
| : نفسى فى شقه حلوه فى اى حتة فى مصر .   | فاطمه  |
| : وبإسم السفارة .   | السفير |
| : وإيه كمان يافاطمه .   | فاضل   |
| : نفسى فى شغلانة حلوه تشتغلها تبقى موظف ولك مرتب آخر الشهر مرتب يكفىنا .  | فاكمه  |
| : وبإسم أعلى مسؤول فى الدوله .  | السفير |
| : وإيه كمان يافاطمه .   | فاضل   |
| : (وهى تضحك) عريبه صغيره زى بعضه نعملها تاكسى بعد الظهر والصبح توصلك للشغل .. ماهى شغلانة الحكومه مش ح تقضيك يافاضل . | فاطمه  |
| : نقدم للبطل الكبير المناضل الفدائى الاول .   | السفير |
| : غمضى عنيكى يافاطمه .  | فاضل   |
| : غمضت يافاضل .   | فاطمه  |
| : نقدم لفاضل عبد السميع أعلى وسام .. وسام المحاربين العظماء .   | السفير |
| : السلطانيه .. وسام تانى .. وسام إيه .. انا مش عايز وسام .. مش عايز وسام .  | فاضل   |
| (يضاء ضوء المسرح عليهم .. يبدأ فى الهياج والثورة ويقذف بك شئ من حوله)   |        |
| : انا عايز النظام العالمى الجديد عايز الشرعيه الدوليه .. عايز ابويا بوش .   | فاضل   |
| (صوت سيارة التجده .. يدخل رجلان يحملان قميص المجانين)   |        |
| : فيه إيه جوه السفاره .   | ص ١    |
| : واحد مجنون دخل الحفله .   | ص ٢    |



## ظلام

(يتحول الديكور في خلال الأصوات إلى مستشفى الأمراض العقلية)  
(يدخل المرضى على أسرهم هادئين كل منهم في هدوء تام .. رجل في سن ٧٠ سنة - رجل في سن ٦٠ سنة - رجل في سن ٥٠ سنة ..... رجل في سن ٤٠ سنة)

المرضى : (يضع السرير الجديد .. يحدث المرض) فيه واحد زميلكم جاى  
(يتركون جميعهم الجرايد والمجلات وينظرون باهتمام)  
ممرض ٢ : (يدفع يفاضل) ادخل ياخويا .  
فاضل : السلام عليكم اعرفكم بنفسى انا فاضل عبد السميع .. دى صورتي مع الرئيس .. ودا وسام من الرئيس فى حرب التحرير .  
مريض ١ : وانا بطل حرب ٤٨ ودا وسام من الملك فاروق ودى صورتي معاه .  
مريض ٢ : وانا بطل حرب ٥٦ ودا وسام من الرئيس ودى صورتي معاه .  
مريض ٣ : وانا بطل حرب ٦٧ ودا وسام من الرئيس ودى صورتي معاه .  
مريض ٤ : وانا بطل حرب ٧٣ ودا وسام من الرئيس ودى صورتي معاه .  
د. عزمى : (يدخل مندفعاً) انا الدكتور عزمى .. لواء طبيب .. مش عايز اى حد .  
يعامل الأبطال دول بصورة وحشه .. دول حملة الأوسمه .  
مين دا .. إنت مين يابنى إسك إيه ؟

فاضل : انا فاضل .  
د. عزمى : اى طلبات اى حاجه تموزها يافاضل قولى يابنى .  
فاضل : (يقف فاضل ويجمع الأوسمه من زملائه) إحنا لنا طلب واحد .... قول للرئيس وكل ريس .. إحنا إالى حاربنا مش عايزين نياشين ولا اوسمه .. عايزين شقه فى اى مكان .. شقة تصلح لحياة عيلة تصلح للإنسان .. عايزين شغلانة مضمونه فى الحكومه .. عايزين عرييه صغيره نروح بيها الصبح الشغل وبعد الظهر نميلها تاكسى بالعداد .. قول للرئيس إيه فائدة الوسام مع مواطن جنان ولا له سكن ولا له امان ...

## ستار

تم بحمد الله - القاهرة ١٩٩٢







#### نبذة عن الكاتب وأعماله

##### من هو السيد حافظ

- من مواليد عام ١٩٤٨ محافظة الاسكندرية جمهورية مصر العربية
- خريج جامعة الاسكندرية قسم فلسفة واجتماع عام ١٩٧٣ / كلية التربية دبلوم فى علم النفس والتربية عام ١٩٧٥ .
- مدير قطاع الدراما بالثقافة الجماهيرية من ١٩٧٦/١٩٧٤ .
- حاصل على الجائزة الاولى فى التأليف المسرحى بمصر عام ١٩٧٠ .
- حاصل على جائزة أحسن مؤلف لعمل مسرحى موجه للأطفال فى الكويت عن مسرحيه سنديلا عام ١٩٨٣ .
- رئيس تحرير مجلة رؤيا والتي كانت تصدر فى مصر ( سابقا ) .
- عضو اتحاد الكتاب العرب بدمشق منذ عام ١٩٨٣ .
- عضو اتحاد الكتاب فى مصر منذ عام ١٩٨٦ .
- مدير مركز الوطن العربى للنشر والاعلام (رؤيا) لمدة خمس سنوات ( سابقا ) .
- محرر بجريدة السياسة الكويتية لمدة سبع سنوات ( سابقا ) .
- حصل على منحة تفرغ من وزارة الثقافة المصرية عام ١٩٩٤ بدرجة رائد من رواد المسرح المصري .
- حصل على جائزة أحسن عرض مسرحى عن مسرحية (رحلات ابن بسبوسة) فى مهرجان العريش المسرحى أكتوبر ١٩٩٥ .
- مدير تحرير مكتب مجلة أفكار فى القاهرة عام ١٩٩٥ .
- حصل على جائزة أحسن عرض مسرحى فى مهرجان بورسعيد للهواة عن مسرحية (العزف فى الظهيرة) يناير ١٩٩٦ .
- كاتب وصحفى متفرغ حاليا .

##### صدر للمؤلف مطبوعات مسرحية للكبار

- كبرياء التفاهة فى بلاد اللامعنى ١٩٧٠ كتابات معاصرة .
- الطبول الخرساء فى الاودية الزرقاء ١٩٧١ سلسلة ادب الجماهير .
- حدث كما حدث ولكن لم يحدث أى حدث ١٩٧١ سلسلة ادب الجماهير .
- سيمفونية الحب ( مجموعة قصصية ) ١٩٨٠ بغداد وزارة الاعلام .
- حبيبتى انا مماتر ( مسرحية ) ١٩٧٩ ادب الجماهير .



- هم كماهم ولكن ليس هم الزعاليك ( مسرحية ) ١٩٨٠ الكويت
- ظهور واختفاء ابو ذر الغفاري ( مسرحية ) ١٩٨١ الكويت .
- حبيبتي اميرة السيما ( مسرحية ) ١٩٨٢ مركز الوطن العربي .
- حكاية مدينة الزعفران ( مسرحية ) ١٩٨٢ مركز الوطن العربي .
- حكاية الفلاح عبد المطيع ( مسرحية ) ١٩٨٢ الكويت .
- يا زمن الكلمة الكذب / الموت / الخوف ١٩٨٧ مركز الوطن العربي .
- علمونا ان نموت وتعلمنا ان نحيا ١٩٨٧ مركز الوطن العربي .
- ٦ رجال في معتقل (طبعة ثالثة) ١٩٨٩ مركز الوطن العربي .
- سيمفونية الحب طبعة ثالثة ١٩٩١ مركز رؤيا .
- كبرياء التفاهة في بلاد اللامعنى ١٩٩١ مركز رؤيا .
- مزييف القرن العشرين طبعة اولى ١٩٩١ مركز رؤيا .
- ٩ مسرحيات تجريبية ١٩٩١ على نفقته الخاصة .
- الاشجار تنحنى احيانا
- الحاكم بأمر الله ١٩٩٣ على نفقته الخاصة .
- رحلات بن بسبوسة ١٩٩٤ على نفقته الخاصة .
- ملك الزبالة ١٩٩٥ على نفقته الخاصة .

- اشاعة ( ٦ مسرحيات في فصل واحد ) ١٩٩٥ الهيئة العامة للكتاب .
- قراقوش والاراجوز ١٩٩٧ دار العربي للنشر والتوزيع .
- عبد الله التنديم ١٩٩٧ المجلس الاعلى للثقافة .
- وسام من الرئيس ١٩٩٧ دار العربي للنشر والتوزيع .
- مسافر بلا هوية ( رواية ) ١٩٩٧ دار العربي للنشر والتوزيع .

#### صدر للمؤلف مطبوعات مسرحية للأطفال

- سندس ١٩٨٧ دار ازال لبنان .
- على بابا ١٩٨٧ دار ازال لبنان .
- عنتر بن شداد ١٩٨٧ دار ازال لبنان .
- فرسان بني هلال ١٩٨٧ دار ازال لبنان .
- ابو زيد الهلالي ١٩٩٥ الهيئة المصرية العامة للكتاب .



#### نبذة عن الكاتب وأعماله

من هو السيد حافظ

- من مواليد عام ١٩٤٨ محافظة الاسكندرية جمهورية مصر العربية
- خريج جامعة الاسكندرية قسم فلسفة واجتماع عام ١٩٧٣ / كلية التربية دبلوم في علم النفس والتربية عام ١٩٧٥ .
- مدير قطاع الدراما بالثقافة الجماهيرية من ١٩٧٦/١٩٧٤ .
- حاصل على الجائزة الاولى في التأليف المسرحي بمصر عام ١٩٧٠ .
- حاصل على جائزة أحسن مؤلف لعمل مسرحي موجه للأطفال في الكويت عن مسرحيه سندريلا عام ١٩٨٣ .
- رئيس تحرير مجلة رؤيا والتي كانت تصدر في مصر ( سابقا ) .
- عضو اتحاد الكتاب العرب بدمشق منذ عام ١٩٨٣ .
- عضو اتحاد الكتاب في مصر منذ عام ١٩٨٦ .
- مدير مركز الوطن العربي للنشر والاعلام (رؤيا) لمدة خمس سنوات ( سابقا ) .
- محرر بجريدة المسباسة الكويتية لمدة سبع سنوات ( سابقا ) .
- حصل على منحة تفرغ من وزارة الثقافة المصرية عام ١٩٩٤ بدرجة رائد من رواد المسرح المصري .
- حصل على جائزة أحسن عرض مسرحي عن مسرحية (رحلات ابن بسبوسة) في مهرجان العريش المسرحي أكتوبر ١٩٩٥ .
- مدير تحرير مكتب مجلة أفكار في القاهرة عام ١٩٩٥ .
- حصل على جائزة أحسن عرض مسرحي في مهرجان بورسعيد للهواة عن مسرحية (العزف في الظهيرة) يناير ١٩٩٦ .
- كاتب وصحفي متفرغ حاليا .

#### صدر للمؤلف مطبوعات مسرحية للكبار

- كبرياء التفاهة في بلاد اللامعنى ١٩٧٠ كتابات معاصرة .
- الطبول الخرساء في الاودية الزرقاء ١٩٧١ سلسلة ادب الجماهير .
- حدث كما حدث ولكن لم يحدث أى حدث ١٩٧١ سلسلة ادب الجماهير .
- ميمفونية الحب ( مجموعة قصصية ) ١٩٨٠ بغداد وزارة الاعلام .
- حبيبتي انا مسافر ( مسرحية ) ١٩٧٩ ادب الجماهير .



- هم كماهم ولكن ليس هم الزعاليك ( مسرحية ) ١٩٨٠ الكويت
- ظهور واختفاء ابو زر الفقاري ( مسرحية ) ١٩٨١ الكويت .
- حبيبتي اميرة السينما ( مسرحية ) ١٩٨٢ مركز الوطن العربي .
- حكاية مدينة الزعفران ( مسرحية ) ١٩٨٢ مركز الوطن العربي .
- حكاية الفلاح عبد المطيع ( مسرحية ) ١٩٨٢ الكويت .
- يا زمن الكلمة الكذب / الموت / الخوف ١٩٨٧ مركز الوطن العربي .
- علمونا ان نموت وتعلمنا ان نحيا ١٩٨٧ مركز الوطن العربي .
- ٦ رجال في معتقل (طبعة ثالثة) ١٩٨٩ مركز الوطن العربي .
- سيمفونية الحب طبعة ثانية ١٩٩١ مركز رؤيا .
- كبرياء التفاهة في بلاد اللامعنى ١٩٩١ مركز رؤيا .
- سيزيف القرن العشرين طبعة اولى ١٩٩١ مركز رؤيا .
- ٩ مسرحيات تجريبية ١٩٩١ على نفقته الخاصة .
- الاشجار تتحنى احيانا
- الحاكم بأمر الله ١٩٩٣ على نفقته الخاصة .
- رحلات بن بسبوسة ١٩٩٤ على نفقته الخاصة .
- ملك الزبالة ١٩٩٥ على نفقته الخاصة .
- اشاعة ( ٦ مسرحيات في فصل واحد ) ١٩٩٥ الهيئة العامة للكتاب .
- قراقوش والاراجوز ١٩٩٧ دار العربى للنشر والتوزيع .
- عبد الله التديم ١٩٩٧ المجلس الاعلى للثقافة .
- وسام من الرنيس ١٩٩٧ دار العربى للنشر والتوزيع .
- مسافر بلا هويه ( رواية ) ١٩٩٧ دار العربى للنشر والتوزيع .
- صدر للمؤلف مطبوعات مسرحية للأطفال
- سندس ١٩٨٧ دار ازال لبنان .
- على بابا ١٩٨٧ دار ازال لبنان .
- عنتر بن شداد ١٩٨٧ دار ازال لبنان .
- فرسان بني هلال ١٩٨٧ دار ازال لبنان .
- ابو زيد الهلالي ١٩٩٥ الهيئة المصرية العامة للكتاب .



- قميص السعادة ١٩٩٥ دار الثقافة الجديدة .
- اولاد جحا - سندريلا ١٩٩٦ دار العربى للنشر والتوزيع بالقاهرة .
- قطر التدى - الاميرة حب الرمان ١٩٩٦ دار العربى للنشر والتوزيع بالقاهرة .
- الوحش العجيب - سندريلا و الأمير ١٩٩٦ دار العربى للنشر والتوزيع بالقاهرة .
- ننوسة والعم كمال - حمدان ومشمشة ١٩٩٦ دار العربى للنشر والتوزيع بالقاهرة .

#### عرض له فى مسرح الطفل

- مسرحيه سندريلا ( الكويت - سلطنة عمان - البحرين ) ١٩٨٣ اخراج/ منصور المنصور
- مسرحية الشاطر حسن ( الكويت - دى - ابو ظبى ) ١٩٨٣ اخراج / احمد عبد الحليم
- مسرحية سندس ( الكويت - البحرين - قطر ) ١٩٨٥ اخراج / محمود الالفى
- مسرحية على بابا ( الكويت - دى ) ١٩٨٥ اخراج / احمد عبد الحليم
- مسرحية اولاد جحا ( الكويت - البحرين ) ١٩٨٦ اخراج / محمود الالفى
- مسرحية حذاء سندريلا ( الكويت - بغداد ) ١٩٨٧ اخراج / دجيل الدخيل
- مسرحية بيبى والعجوز ( الكويت - بغداد ) ١٩٨٧ اخراج / حسين مسلم
- مسرحية عنتر بن شداد ( الكويت ) ١٩٨٩ اخراج / احمد عبد الحليم
- مسرحية فرسان بنى هلال ( الكويت ) ١٩٨٩ اخراج / محمد سالم
- مسرحية اولاد جحا ( مصر ) ١٩٨٩ اخراج / المؤلف
- مسرحية سندس ( مصر ) ١٩٨٩ اخراج / خمسة مخرجين
- مسرحية حكاية لولو و كوكو ١٩٩٠ اخراج / المؤلف
- مسرحية قميص السعادة ( القاهرة ) ١٩٨٩ اخراج / محمد عبد المعطى / فرقة تحت ١٨ / القطاع الاستعراضى / بطولته : وجدى العربى / عبد الرحمن أبو زهرة / عائشة الكيلانى / علاء عوض ( سبتمبر ١٩٩٦ اخراج / حسام عطا بطولته : مى عبد النبى / أحمد الحجار / محمد عبد المعطى / لمياء الأمير ( فرقة تحت ١٨ )



- مسرحية الساحر حمدان ( الكويت ) سبتمبر ١٩٩٦ اخراج /  
احمد عبد الحليم بطولة : طارق العلى /  
عبد العزيز الفهد / منى شداد

قدم لمسرح الكبار

- مسرحية حكاية الفلاح عبد المطيع ( فرقة بغداد ) ١٩٨٠ اخراج / د. سعدى يونس  
- حكاية الفلاح عبد المطيع فرقة شباب الكويت ١٩٩٠ اخراج / عبدالله عبد الرسول  
- حكاية الفلاح عبد المطيع ١٩٩٢ اخراج / مجدى عبيد بنى سويف مصر  
- مسرحية اشاعة ديسمبر ١٩٩١ اخراج / فاروق زكى / مسرح الشباب بطولة :  
سمير حمى / سلوى عثمان / عثمان محمد على / محمود العراقى  
- مسرحية حلوة زمان فبراير ١٩٩٣ اخراج / عبد الرحمن الشافعى / هيئة قصور  
الثقافة/مصر / بطولة : جمال اسماعيل و محمد متولى و اميرة سالم و لبنى الشيخ و  
عفاف حمدى / موسيقى : حمدى رؤوف / ديكور : حسين العزى و اشعار عزت عبد  
الوهاب

- مسرحية انا ما ليش حل بطولة : فاروق الفيشاوى / شيرين سيف النصر / نجاح  
الموجى / اخراج : السيد راضى .

قدمت اعماله فى ١٩ محافظة من محافظات مصر

( المسلسلات التلفزيونية )

- مبارك ( ١٥ حلقة ) اخراج / كاظم القلاف ( الكويت )  
- العطاء سهرة ( الكويت ) اخراج / عبد العزيز منصور  
- الحب الكبير سهرة ( الكويت ) اخراج / حسين الصالح بطولة :  
ابراهيم الحربى / خالد العبد  
- الغريب سهرة ٣ أجزاء ( الكويت ) اخراج / يوسف  
حمودة بطولة : غانم الصالح / حياة الفهد  
- صغيرات على الحب مسلسل ( ١٥ حلقة ) اخراج / محمد السيد عيسى  
بطولة حياة الفهد  
- صدى الايام سهرة فى جزئين اخراج / كنعان حمد بطولة :  
منصور المنصور / هدى حمادة  
- النورس بطولة: جلال الشرقاوى/عبير الشرقاوى/وائل نور/  
طارق دسوقي / علاء رامى / سميرة عبد العزيز  
اخراج : سيد عبيدو



#### المسلسلات الإذاعية

- البيت الكبير
- غرباء في الحياة
- ٥ مسلسلات إذاعية - الكويت المسلسل ٣٠ حلقة
- ٩٠ حلقة برنامج كتاب خليجي اذاعة قطر
- ٣٠ حلقة - إغاثة الامة في كشف الغمة - اعداد وسيناريو اذاعة قطر
- ٣٠ حلقة مسلسل للأطفال ( علاء الدين والاميرة ياسمين : بطولة محمود ياسين اخراج / احمد مساعد - اذاعة الكويت
- ٣٠ حلقة مسلسل ( بدر الزمان وكمال العيون ) اذاعة الكويت اخراج احمد مساعد

#### ( سينما )

- فيلم جبل ناعسة قيد التنفيذ
- فيلم رجل هذا الزمان قيد التنفيذ
- فيلم لا مجال للحب قيد التنفيذ
- فيلم وسام من الرئيس قيد التنفيذ
- فيلم وحدي في البيت قيد التنفيذ

#### ( صحافة )

- مراسل مجلة الوطن العربي بباريس
- الثقافة العربية ليبيا - الفكر - الاردن - فنون - اليمن
- رئيس القسم الفني بمجلة صوت الخليج لمدة عام ١٩٨٦
- مراسل غير متفرغ الاهرام الدولي
- مدير تحرير مكتب مجلة أفكار في القاهرة.
- (مهرجانات وملتقيات ثقافية مسرحية)

- مقرر ندوة التراث العربي والمسرح في الكويت
- مشارك في مهرجان بغداد المسرحي
- مشارك في مهرجان قرطاج المسرحي

#### ( كتب ودراسات مسرحية قدمت عن أعماله المسرحية )

- كتاب بحث رسالة الحكاية الشعبية في مسرح الطفل في الكويت - دراسة في مسرح السيد حافظ للباحثة امال الغريب - المعهد العالي للفنون المسرحية ١٩٨٤ - الناشر مركز الوطن العربي ١٩٨٧



كتاب بحث رسالة في الشخصية التراثية وتطبيقاتها الفنية والفكرية في مسرح السيد حافظ  
 - سميرة اوبلهي - مكناس المغرب ١٩٨٦ - الناشر مركز الوطن العربي ١٩٨٨ .  
 - بحث في اللغة الشعرية في مسرح السيد حافظ - موسكو - تحت اشراف المستشرق  
 فلاديمير شاجال .  
 - كتاب اشكالية التأصيل في المسرح العربي - صليحة حسنى - بحث - كلية الاداب  
 والعلوم الانسانية - المغرب - الناشر مركز الوطن العربي ١٩٨٩ .  
 - كتاب الفلاح في المسرح العربي - نموذج حكاية الفلاح عبد المطيع - للسيد حافظ -  
 خديجة فلاح - جامعة محمد الأول - المغرب الناشر مركز الوطن العربي ١٩٨٨ .  
 - كتاب البطل الثوري في مسرح السيد حافظ - نموذج ظهور واختفاء أبو ذر الغفاري -  
 منصورية مباركي - وجده - المغرب . الناشر مركز الوطن العربي ١٩٨٩ .  
 - كتاب القضية الفلسطينية في مسرح السيد حافظ - نموذج ٦ رجال في معتقل - شنايف  
 الحبيب - المغرب . الناشر مركز الوطن العربي ١٩٩٠ .  
 - مفهوم الارشادات المسرحية ومسألة التجريب في المسرح العربي . السيد حافظ  
 نموذجا من خلال مسرحية ( طفل وقوقع وقزح ) حقون حميد - المغرب ١٩٩٢ ( تحت  
 الطبع )  
 - الشخصية التراثية الشعبية في مسرح الطفل عند السيد حافظ - نموذج مسرحية على  
 بابا - نزيهة بن طالب ( الناشر دار العربي للتوزيع ) .  
 - مسرح الطفل عند السيد حافظ - فاطمة الحاجي - المغرب ١٩٩١ ( مركز الوطن  
 العربي )  
 - التجريب والعبث في المسرح العربي من خلال مسرحية ميزيف للسيد حافظ - حليمة  
 حقوني ١٩٩٢ .

#### تطلب أعمال المؤلف من

- دار العربي - القاهرة ٦٠ شارع القصر العيني القاهرة .

#### تحذير

يرجى الاتصال بالمؤلف قبل استقلال هذا العمل بأي شكل من الاشكال الفنية ( مسرحية  
 أو اذاعية أو تليفزيونية أو طباعة وما يستجد )

#### عنوان المؤلف

١٢ شارع يحيى عبد القنى / التعاون / الهرم / الجيزة ج . م . ع  
 تليفون وفاكس : ٣٨٦٨٦٥٧ ( ٠٢ )



رقم الايداع ٩٧/٧٥٤٤

I.S.B.N.

977-55-434-9-5



